



Mi laikim Jisas

Buk bilong ol pikinini



Mi
laikim
Jisas

Buk bilong ol pikinini

Imprimatur: ✠ Francis Meli
Bisop bilong Vanimu

INSAIT

Tok i go pas.....	1
Sapta 1 - HOLI YUKARIS	5
Sapta 2 - SANTU MISA	19
Sapta 3 - OL SAMTING BILONG SANTU MISA	67
Sapta 4 - PASIN BILONG OL PIKININI	95
Sapta 5 - ALTA BOI EM I WANEM SAMTING?	107
Sapta 6 - ROT BILONG HELPIM PRIS LONG TAIM BILONG SANTU MISA	115
Sapta 7 - ROT BILONG HELPIM PRIS LONG TAIM BILONG ADORESEN	135
Sapta 8 - YIA BILONG SIOS	141
Sapta 9 - OL PREA BILONG OL PIKININI	155

TOK I GO PAS

Dia ol pikinini:

Wantaim dispela buk mipela i laik helpim ol pikinini boi na gel bilong olgeta hap bilong kantri bilong yumi. Mipela ol IVE Fathers i bin tingting long ol pikinini bilong peris bilong mipela, olsem na mipela i redim dispela buk bai yupela i ken save long Trisas na laikim em wantaim olgeta strong bilong yupela.

Tasol yumi tingting moa yet long ol Alta B.O.I. Wok bilong yupela olsem alta boi em i bikpela samting tumas. Yes, long wanem yupela i save mekim wok bilong helpim Trisas yet. Long heven Trisas i gat planti tausen ensel i save mekim wok bilong helpim em, tasol long graun em i

gat ol alta boi tasol. Olsem na taim yupela i helpim ʔisas long taim bilong Santu Misa, yupela i save mekim dispela wok ol ensel i save mekim oltaim long heven.

Na tu wok bilong ol alta boi em i bikpela samting tumas, long wanem oltaim yupela i save stap klostu long ʔisas. Yes, taim yupela i helpim ol pris long mekim Misa, yupela i no save helpim ol pris tasol. Nogat. Yupela i save helpim ʔisas yet! Ol alta boi i stap klostu long em, long wanem long taim bilong Santu Misa, ol pris i save makim ʔisas. Maski yumi lukim ol pris tasol na yumi no inap long lukim ʔisas, bilip bilong yumi i tok: ʔisas em i Bikpris bilong oltaim, olsem na em i go pas long ol Santu Misa, na ol arapela pris i go bihain. Long taim bilong Santu Misa ʔisas i hait aninit long pris, olsem na taim yumi lukim pris, yumi mas save olsem: dispela pris em i ʔisas yet!

Olsem na mipela ol pris i save laikim tumas ol alta boi, na long dispela as mipela i mekim dispela buk bilong helpim yupela.

tenkyu stret, ol alta boi! tenkyu long helpim mipela

olgeta de long taim bilong Santu Misa na long Adoresen!
tenkyu tru long i stap pren bilong mipela! Na mipela i
pre bai laik bilong yupela i go long Tisas i ken gro insait
long yupela na i kamap bikpela tru!

Na yupela i no ken lustingting: wanpela de mipela ol
pris bilong yupela bai i kamap lapun, olsem na... husat
bai i kisim ples bilong mipela olsem pris? Mipela i pre bai
Tisas i ken singautim planti bilong yupela long kamap
pris tu! Yupela i no ken pret long bihainim Tisas! Yupela
i no ken pret long harim singaut bilong Tisas! Yupela i
no ken pret long givim laip bilong yupela long Tisas na i
kamap pris!

IVE Fathers
(Fathers of the Institute of the Incarnate Word)

SAPTA 1

Holi Yukaris



Holi Yukaris em i wanem samting?

Holi Yukaris em i sakramen bilong Bodi na Blut bilong Jisas. **Yes!** Trupela Bodi na trupela Blut bilong Jisas i stap long dispela sakramen. Olsem na dispela sakramen em i bikpela tru na i winim tru ol arapela sakramen.



olsem wanem na yumi no inap lukim Bodi na Blut bilong Jisas?

Yumi no inap long lukim Bodi na Blut bilong Jisas long wanem tupela i hait aninit long mak bilong bret na wain. **Tasol maski ai bilong yumi i no inap lukim, Jisas yet i tok olsem em i hait stap long dispela sakramen.**

Jisas yet i tok: «**Mi dispela bret i gat laip na i lusim heven na i kam daun.** Sapos wanpela man i kaikai dispela bret, em bai i gat laip i stap oltaim. **Na dispela bret mi bai givim long em, em i bodi bilong mi.** Mi givim bai

ol manmeri bilong graun ol i ken kisim laip» (Jon 6:51). Taim Jisas i givim dispela sakramen long ol aposel, ai bilong ol tu i paul, long wanem ol i lukim bret na wain tasol. Tasol ol i bilip long Jisas, long wanem Jisas em i God tru, na em i no inap long giamanim yumi. Olsem na maski ol aposel i no inap lukim Bodi na Blut bilong Jisas, ol i bilip strong olsem Jisas yet i stap insait long dispela sakramen. Na long dispela as tasol long bipo bipo tru i kam inap nau yumi ol Katolik i save soim bikpela rispek long dispela sakramen, na yumi save laikim em wantaim olgeta strong bilong yumi.

Na long wanem taim

ʔisas i kamapim dispela sakramen?

Jisas i kamapim dispela sakramen long Gut Fonde nait, taim em i mekim Las Kaikai wantaim ol aposel bilong em.



Buk Baibel yet i stori long yumi wanpela kap wain, na i tenkyu olsem: *Ol i kaikai i stap, na long God, na i givim long Jisas i kisim wanpela bret, na i ol, na i tok, «Yupela olgeta tenkyu long God na i brukim, dring long dispela. Dispela na i givim long ol disaipel. em i blut bilong mi bilong Na em i tok, «Yupela kisim mekim kontrak. Mi kapsaitim na kaikai. Dispela em i bodi bilong lusim sin bilong planti bilong mi»*. Na em i kisim manmeri» (Matyu 26:26-28).

olsem na taim yumi kisim Holi Yukaris
yumi save kisim Jisas yet?

Yes! Taim yumi kisim Holi Yukaris yumi save kisim Jisas yet! Olsem na long dispela as tasol dispela sakramen i winim tru ol arapela sakramen. Taim yumi kisim Jisas long Holi Yukaris em i save kam insait long yumi, olsem na Jisas i stap insait long yumi wankain olsem em i bin stap 9-pela mun olgeta long bel bilong santu Maria taim em i liklik bebi.



olsem na dispela sakramen i winim tru
ol arapela samting bilong graun?

Yes! Dispela sakramen i na ol pris tu i save mekim
winim tru ol arapela samting olgeta de. Pawa bilong mekim
bilong dispela graun! Dispela dispela sakramen i winim tru
sakramen em i wanpela bikpela pawa bilong God Triwan bilong
mirakel Jisas yet i bin mekim, kamapim heven na graun.



Santu Ogastin i tok:

Bodi bilong Jisas
i hangamap long diwai kros
na Bodi bilong Jisas
i stap long Santu Yukaris,
em i wankain tasol.

Blut bilong Jisas
i kapsait long diwai kros
na Blut bilong Jisas
i stap long Santu Yukaris,
em i wankain tasol.

Na dispela sakramen

i gat ol arapela nem tu, o nogat?

Yes! Dispela sakramen o «Holi Komunio», o «Bleset i gat ol arapela nem tu. Sakramen». Tasol ol dispela Sampela manmeri i save nem i makim wankain samting: kolim em «Santu Komunio», Bodi na Blut bilong Jisas.

Na Jisas wan tasol

inap long mekim dispela sakramen?

Nogat. Em i tru Jisas yet i bin kamapim dispela sakramen, tasol em i givim pawa long ol aposel bai ol tu i ken mekim dispela sakramen.



Na long wanem taim Jisas i givim dispela pawa long ol aposel?

Long Las Kaikai, bihain mekim dispela sakramen. Long long Jisas i kamapim dispela strong bilong yupela yet, yupela sakramen, em i tokim ol aposel bai i no inap. Tasol bai mi givim bilong em olsem: «**Yupela i mas mekim olsem bilong tingim mi**» (Luk 22:19). Dispela tok i i ken mekim dispela sakramen min olsem: «Yupela, ol aposel na tilim long ol manmeri bilong graun inap long las de bilong bilong mi, yupela tu i mas dispela graun».

Na ol pris tu i gat dispela pawa, o nogat?


Yes! Ol pris tu i gat pawa bilong mekim Holi Yukaris. Taim Jisas i givim pawa long ol aposel, orait pawa i stap long Jisas i kalap na i go long ol aposel. Na bihain ol aposel i makim ol nupela man olsem bisop na pris, na ol aposel i givim dispela pawa long ol tu. Kain olsem santu Pol, na santu Barnabas, na planti moa i kam inap long mipela nau. Olsem na pawa i stap long ol bisop na ol pris em i wankain pawa bilong Jisas yet.

Na ol pris i save yusim dispela pawa long wanem taim?

Ol pris i save yusim dispela pawa long taim bilong Santu Misa na long taim bilong ol narapela sakramen (kain olsem baptais, konpesio, etc). Taim yumi lukim ol pris i kisim bret na i tok:

«*Dispela em i Bodi bilong mi*»,
orait dispela
bret nating i stap
long han bilong
em, **i tanim na
i kamap trupela
Bodi bilong Jisas
yet.** Na taim ol
pris i holim kap i
gat wain na i tok:

«*Dispela em i kap bilong blut bilong mi*», orait dispela wain i stap long kap **i tanim na i kamap trupela Blut bilong Jisas yet.**



olsem wanem na Jisas

i laik i stap long Holi Yukaris?

Jisas i laik i stap long Holi Yukaris long wanem em i laikim yumi tumas. Yes, Jisas i laikim yumi wantaim olgeta strong bilong em, olsem na em i laik i stap oltaim namel long yumi long Holi Yukaris. Sapos Jisas i no bin kamapim dispela sakramen, orait yumi bai i no gat sans long lukim em na kisim em. Tasol em

i laikim yumi tumas, olsem na em i laik givim sans long yumi, bai yumi tu i ken lukim na kisim em. Olsem na i no ol aposel tasol i lukim Jisas. Nogat tru. Yumi tu i save lukim em taim yumi go long Santu Misa o long Adoresen. **No ken lustingting olsem Jisas i stap long tabernakel na wetim yumi oltaim!**



olsem wanem na sampela manmeri
i no save bilip long dispela sakramen?

Em i tru, sampela manmeri i no save bilip long dispela sakramen, na Jisas i sori tumas long ol. Sampela i save rabisim dispela sakramen na i tok olsem Yukaris em i bret nating, o sampela i save tok olsem dispela sakramen em i piksa o mak bilong Jisas tasol. **Ol i mekim olsem long wanem ol i no save gut long bilip i kam long ol aposel**, olsem na ol i toktok nating.

Taim Jisas i stap yet long ples bilong em, planti manmeri tu i no bilipim em, olsem na ol i lusim em na i no wokabaut moa wantaim em. Olsem na yumi no ken tingting planti long ol dispela manmeri i no save bilip. Nogat. Yumi mas prea bilong helpim ol!

Blip bilong yumi i tok:


**DISPELA SAKRAMEN
I NO PIKSA O MAK
BILONG JISAS.**

**DISPELA SAKRAMEN EM I
TRUPELA
BODI NA BLUT
BILONG JISAS!**



Na wanem samting i stap insait long Holi Yukaris?

Insait long Holi Yukaris yumi painim 4-pela bikpela samting:



PUTIM YAU GUT!

Sakramen bilong Yukaris em i nambawan samting tru,
long wanem **JISAS YET I STAP LONG EM!** Olsem na
yu mas pre oltaim long Jisas na askim em long helpim
yu long laikim dispela sakramen wantaim olgeta
strong bilong yu! **DISPELA SAKRAMEN EM I DUA
BILONG I GO INSAIT LONG HEVEN.**

Long wanem taim
bret na wain i save tanim
na i kamap Bodi na Blut bilong Jisas?

Bret na wain i save tanim na i kamap Bodi na Blut bilong Jisas long Santu Misa, long taim yumi kolim «**konsekrasio**». «konsekrasio» em i dispela taim bilong Santu Misa taim pris i kisim bret na i kisim wain na i tok: «*Dispela em i bodi bilong mi*», na «*Dispela em i kap bilong blut bilong mi*». Taim pris i autim dispela samting pinis, orait bret na wain i no stap moa antap long alta, na yumi painim **Bodi na Blut bilong Jisas!**




HARIM JISAS YET!


Jisas i tok: «Tru tumas mi tokim yupela, sapos yupela i no kaikai bodi bilong Pikinini Bilong Man, na sapos yupela i no dringim blut bilong em, bai yupela i no gat laip i stap long yupela. **Man i save kaikai bodi bilong mi na dringim blut bilong mi, em i gat laip i stap gut oltaim oltaim, na bai mi kirapim em long la; de.** Long wanem, bodi bilong mi em i kaikai tru, na blut bilong mi em i samting tru bilong dring»

(Jon 6:53-55)

Pastaim long **konsekrasio** hostia em i bret nating, tasol taim pris i tok «*Dispela em i bodi bilong mi*», dispela bret i tanim na i kamap **trupela bodi bilong Jisas!**



Pastaim long **konsekrasio** wain em i wain nating, tasol taim pris i tok «*Dispela em i kap bilong blut bilong mi*», dispela wain i tanim na i kamap **trupela blut bilong Jisas!**




SAPTA 2

Santu Misa



a) Santu Misa em i wanem samting?

Santu Misa em i sakrifais bilong Bodi na Blut bilong Jisas. Yumi save ofarim dispela sakrifais long alta, tasol Jisas i bin ofarim dispela sakrifais long diwai kros, taim em i givim laip bilong em yet bilong kisim bek yumi.



TAIM YU GO
LONG **SANTU MISA**
EM I WANKAIN OLSEM YU
GO LONG **KALVARI!**

Na sakrifais em i wanem samting?

Sakrifais em i pasin bilong bilong soim laik bilong yumi i
givim wanpela samting yumi go long em, na tu bilong askim
save laikim tumas i go long em long pogivim olgeta sin
God. Yumi mekim olsem bilong yumi.

Na bipo long Jisas i kam long graun,
ol manmeri i save ofarim sakrifais tu?



Yes! Bipo long Jisas i
kam long graun, ol manmeri
bilong Olpela Testamen tu
i bin ofarim planti sakrifais
long God. Sampela i save
ofarim ol sipsip, na sampela
i save ofarim ol kaikai

bilong gaden, na sampela i save ofarim ol arapela samting tu.

Na ol sakrifais bilong bipo
i kamap olsem wanem?

Ol sakrifais i mas i gat 3-pela samting:

Namba wan samting, ol sakrifais i mas i gat wanpela **pris** God yet i bin makim. Ol pris i save kisim ol samting bilong ol manmeri, na ol yet i save ofarim long God. Bipo ol pikinini bilong Livai tasol inap long kamap pris.



Namba tu samting, ol sakrifais i mas i gat wanpela **viktim o hostia** tu. Taim yumi ofarim wanpela samting i go long God, orait yumi mas givim long em wanpela samting. Bipo ol judaman i save ofarim ol sipsip, ol meme, ol bulmakau na kain kain animal o kaikai samting.



Namba tri samting, ol sakrifais i mas i gat wanpela **alta**. Bipo ol judaman i save mekim ol alta wantaim ol traipela ston. Ol pris bilong Olpela Testamen i save putim ol animal antap long alta, na kilim ol i dai. Na taim blut bilong ol animal i kapsait, ol i askim God long pogivim ol sin bilong ol.



Na sakrifais bilong yumi ol Katolik i winim ol sakrifais bilong bipo?

Yes! Long wanem yumi ol Katolik i save ofarim long God wanpela sakrifais i winim olgeta sakrifais bilong bipo: **yumi ofarim Pikinini stret bilong God. Yes!** Yumi no save ofarim ol animal o kaikai samting olsem bipo. Nogat. Yumi ofarim

Bodi na Blut bilong Jisas yet. Na sakrifais bilong Jisas i gat pawa na strong bilong tekewe olgeta sin bilong olgeta manmeri. Olsem na nau ol sakrifais bilong ol judaman ol i samting nating, na sakrifais bilong Jisas i winim olgeta samting.



*Pop Santu Paius
namba 10 i tok:*

Sapos yu laik i go long heven, orait **Santu Komunio** i mas i stap nambawan samting long laip bilong yu. I no gat narapela rot. Nogat tru. Santu Komunio tasol em i nambawan rot bilong i go long heven!

Na sakrifais bilong Jisas i kamap olsem wanem?

Sakrifais bilong Jisas tu i gat 3-pela samting:

Namba wansamting, sakrifais bilong Jisas i gat wanpela **pris** tu: **em Jisas yet!** Jisas em i Pris bilong Oltaim, long wanem God Papa yet i bin makim em olsem pris bilong ofarim dispela sakrifais i winim olgeta sakrifais bilong bipo.



Namba tri samting, sakrifais bilong Jisas i gat wanpela **alta** tu: **em diwai kros**. Bipo ol judaman i save yusim ol alta ol i mekim long ston, tasol Jisas i dai long diwai kros, olsem na diwai kros i kamap alta bilong sakrifais bilong Jisas.




Namba tu samting, sakrifais bilong Jisas i gat **viktim o hostia** tu: **em Jisas yet!** Long wanem Jisas i no bin kilim wanpela sipsip o animal samting. Nogat. Em yet i bin dai na kapsaitim olgeta blut bilong em bilong kisim bek yumi.



Na sakrifais bilong Santu Misa i kamap olsem wanem?

Sakrifais bilong Santu Misa tu i gat 3-pela samting:

Namba wan samting, sakrifais bilong Santu Misa i gat wanpela **pris** tu: **em Jisas yet!** Na Jisas i bin makim ol pris bilong helpim em long mekim Santu Misa. Jisas i go pas, na ol pris i kam bihain long em.



Namba tu samting, sakrifais bilong Santu Misa i gat **viktim o hostia** tu: **em Jisas yet!** Yes! Long Santu Misa yumi ofarim Bodi na Blut bilong Jisas, i hait aninit long mak bilong bret na wain.



Namba tri samting, sakrifais bilong Jisas i gat **alta** tu: **em ol alta bilong yumi**. Bipo ol judaman i save yusim ol alta ol i mekim long ston, olsem na nau yumi tu i save mekim ol alta ol i mekim long ston tu, o long timba.



Olsem na sakrifais bilong diwai kros
na Santu Misa em i wankain samting?

Yes! Sakrifais bilong diwai kros na sakrifais bilong Santu Misa
em i wankain samting tasol.



Jisas i ofarim Bodi na Blut na Blut bilong em, olsem na bilong em long **diwai kros**, blut bilong em i kapsait long taim em i lusim olgeta blut ai bilong ol manmeri. **Olsem** bilong em, na i dai bilong kisim **na sakrifais bilong diwai kros** bek yumi. **Tasol pastaim long na sakramen bilong Santu** em i dai long diwai kros, em **Misa** em i wanpela sakrifais i ofarim Bodi na Blut bilong **tasol**. Long diwai kros olgeta em long **Las Kaikai** tu. Tasol manmeri inap long lukim Bodi long Las Kaikai em i haitim na Blut bilong Jisas i hangamap Bodi na Blut bilong em aninit long diwai kros. Long Santu long bret na wain, na long Misa yumi no inap lukim, tasol diwai kros em i no haitim Bodi em i wankain sakrifais tasol.

YUMI LUKIM NAU

	Pris	Viktim o hostia	Alta
Sakrifais bilong Olpele Testamen	 Ol pikinini bilong Livai	 Ol animal na kaikai samting	 Alta ol i mekim long ston
Sakrifais bilong Diwai Kros	 Jisas yet	 Jisas yet. Em i ofarim Bodi na Blut bilong em long diwai kros	 Diwai kros, long wanem Jisas i dai long em
Sakrifais bilong Santu Misa	 Jisas yet wantaim pris	 Jisas yet i hait aninit long mak bilong bret na wain	 Alta bilong ol haus lotu

Mama Maria i bin i stap long diwai kros.
Em i save i stap long Santu Misa tu?

Yes! Wankain olsem santu Maria i bin sanap aninit long diwai kros, wankain tasol em i save stap long Santu Misa. Ai bilong yumi i no inap lukim em, tasol em i stap.

Na ol ensel
na ol santu tu
i save kam na i stap
long Santu Misa?

Yes, long taim bilong Santu Misa olgeta ensel na santu bilong heven i save kam tu. Maski yumi mekim Santu Misa long planti hap bilong graun, ol ensel na ol santu i save kam. Olsem na taim Santu Misa i kamap long ples bilong yu, yu mas save olsem haus lotu i pulap long planti ensel na santu i save kam na adorim Jisas.



**LUKIM DISPELA PIKSA!
SAKRIFAIS BILONG DIWAI KROS NA
SAKRIFAIS BILONG SANTU MISA EM
I WANKAIN! NA BODI BILONG JISAS
I STAP LONG HAN BILONG PRIS NA
BODI BILONG JISAS I HANGAMAP LONG
DIWAI KROS EM I WANPELA TASOL!**



b) Wanem as bilong Santu Misa?

Santu Misa i gat 4-pela as bilong em.

1) YUMI MEKIM MISA BILONG ADORIM GOD TRIWAN



Dispela em i nambawan as bilong Santu Misa. I no gat wanpela samting God Triwan i laikim moa long Santu Misa. Nogat tru. Santu Misa em i nambawan samting long ai bilong God Triwan. Olsem na taim yumi mekim Santu Misa, yumi adorim em, na dispela adoresen i winim tru olgeta samting.

2) YUMI MEKIM MISA BILONG TOK TENKYU LONG GOD

Yes! Olgeta de yumi mas tok tenkyu long God, long wanem em i kisim bek yumi. Sapos Jisas i no dai long diwai kros, orait yumi olgeta bai i go long hel. Tasol Jisas i dai, na long sakrifais bilong em, em i opim dua bilong heven long yumi. Olsem na yumi i mas tok tenkyu long God! Na tu yumi mas tok tenkyu long ol gutpela samting God i save givim olgeta de long yumi.



3) YUMI MEKIM MISA BILONG TOK SORI LONG GOD



Bipo ol judaman i save ofarim ol sipsip na ol meme, na ol i askim God long pogivim ol sin bilong ol. Tasol ol dispela animal i no inap long helpim ol liklik. Nogat. Sakrifais bilong Jisas i gat strong bilong tekewe ol sin bilong olgeta manmeri. Olsem na yumi ofarim sakrifais bilong Santu Misa bilong askim God long pogivim ol sin bilong yumi.

4) YUMI MEKIM MISA BILONG ASKIM GOD LONG OL SAMTING YUMI SOT LONG EM

Yes, long wanem taim yumi kam long Santu Misa, yumi stap klostu tru long Jisas. Olsem na yumi mas toktok long em na askim em long helpim yumi. Na tu yumi mas askim em long helpim yumi long kisim ol samting yumi i sot long em.



PUTIM YAU GUT!

Santu Misa em i prea i winim olgeta prea, long wanem long Santu Misa **JISAS YET I PRE** bilong helpim yumi!

Yes! I no yumi tasol i pre. Nogat olgeta!

Yumi bungim mau; wantaim Jisas, olsem na prea bilong Jisas i save kamap wantu tasol long yau bilong God Papa! **Jisas em i Pri; i go pa; long Santu Misa**, olsem na yumi pre wantaim em!

c) Santu Misa i gat hamaspela hap?


Santu Misa i gat 2-pela bikpela hap tasol.



1) Lotu bilong Tok bilong God

2) Lotu bilong Yukaris

Tasol pastaim long yumi go insait long namba wan hap bilong Santu Misa, planti narapela samting i save kamap. Ol dispela samting yumi save kolim **Lotu bilong bigin**.



Prosesio bilong bigin




Pris wantaim ol alta boi i wokabaut i go long alta. **Dispela prosesio i gat bikpela mining bilong em!**

Taim pris i lusim sakristi na i kam long alta, em i mak bilong Jisas i lusim heven na i kam long graun. Yes, pris i lusim sakristi na i kam long alta bilong ofarim sakrifais

bilong Misa, wankain olsem Jisas i bin lusim heven na i kam long graun bilong ofarim sakrifais bilong em long diwai kros.

Yumi mas mekim prosesio olsem wanem?

Taim yumi wokabaut i go long alta, yumi no ken mekim long laik bilong yumi. Nogat. Yumi mas rispektim gut ol lo bilong Katolik Sios. Na Katolik Sios i tok olsem:



1 - Insens. Sapos i gat insens, orait em i mas i go pas long prosesio. Simuk i gat naispela smel bilong insens i save go antap long heven, na dispela **em i mak bilong ol prea bilong yumi** i go antap long heven tu.



2 - Kruse. Kruse i mas i kam bihain long insens, long wanem kruse i soim ol manmeri olsem long taim bilong Santu Misa, **wankain sakrifais bilong diwai kros bai i kamap** long alta bilong yumi.

3 - Ol kendel. Ol kendel i mas i go long sait na long sait bilong kruse. **Ol kendel i makim Jisas yet,** long wanem em yet i tok: «*Mi yet mi lait bilong dispela graun*» (Jon 8:12).



4 - Ol arapela alta boi.

Bihain long tupela kendel, ol arapela alta boi mas wokabaut. Ol dispela alta boi i olsem **piksa bilong ol profet** i bin kam pastaim long Jisas.



5 - Pris. Pris em i las man i

wokabaut long prosesio, **long wanem em i makim Jisas yet.** Ol alta boi i makim ol profet bilong bipo, tasol pris i makim Jisas yet i kam pinis long graun.

Orait, taim ol i kam kamap long alta, sapos Jisas i stap long tabernakel, **ol alta boi na pris i mas brukim skru long ai bilong em,** olsem mak bilong adoresen.





PRIS I GIVIM KIS LONG ALTA

Taim pris i kam kamap long alta, em i save givim kis long em. Pris i givim kis long alta, long wanem alta em i mak bilong Jisas yet, na ol pris i save laikim Jisas tumas. Sakrifais bilong Jisas bai i kamap long alta, olsem na pris i laik givim kis long em **bilong soim laik bilong em i go long Jisas na long sakrifais bilong em.**

MAK BILONG KRUSE





Orait taim pris i givim kis pinis long alta, em i save tok: «Long nem bilong Papa, na bilong Pikinini na bilong Holi Spirit». Na taim pris i tok olsem, yumi olgeta i mas

mekim mak bilong kruse.

Dispela mak em i mak bilong ol kristen. Na olgeta taim yumi save pre, yumi mas statim na pinisim prea bilong yumi wantaim dispela mak.

Taim yumi mekim mak bilong kruse, yumi tingim bikpela misteri bilong God Triwan. Na tu yumi tingim bikpela misteri bilong Jisas i dai long diwai kros.

«MI TOKAUT» NA «LORD, YU MARIMARI»

Long bigin stret bilong Santu Misa yumi laik askim God long pogivim olgeta sin bilong yumi, **bai sol bilong yumi i ken klin olgeta, na**



lotu bilong yumi i ken gupela na stret long ai bilong God.

Dispela pasin bilong tok sori long God bai i helpim yumi long mekim gupela lotu na long kisim planti grasia, long wanem sapos sol bilong yumi i doti, orait God i no inap long givim planti grasia long yumi.

Wantaim dispela prea ol venial sin bilong yumi i save lus, olsem na sol bilong yumi i kamap klin olgeta. Tasol sapos



yumi gat mortal sin long sol bilong yumi, orait dispela prea i no inap helpim yumi. Nogat.

Sapos yumi gat mortal sin yumi mas konpes pastaim, long wanem konpesio tasol em i rot bilong lusim ol mortal sin.

ONA




Dispela singsing yumi save yusim long ol Sande na long ol Bikpela de bilong lotu tasol.

Dispela singsing em i bikpela samting

tumas, long wanem ol ensel i save singsing ona long God.
bin singsing Ona taim santu Olsem na taim yumi singsing
Maria i karim Jisas long ona long haus lotu, yumi
ples Betlehem. Na oltaim bungim maus wantaim ol
ol ensel i stap long heven i ensel bilong heven!

PREA



Taim Ona i pinis, orait
pris i save mekim wanpela
prea. Em i save tok «Yumi
pre», na bihain em i mekim
dispela prea i bungim prea
bilong olgeta manmeri i bin kam
long lotu. Yes, long wanem taim
pris i mekim dispela prea, em i
no mekim prea long nem bilong
em yet. Nogat. **Pris i makim
maus bilong olgeta manmeri i**

bin kam long lotu, na em i askim God long
harim ol prea bilong ol.

NAMBA 1 HAP BILONG SANTU MISA

Lotu bilong tok bilong God

Insait long Lotu bilong Tok bilong God, yumi painim
4-pela samting:

OL RIT

Ol rit i kam long Buk Baibel yet, olsem na yumi mas putim yau na soim bikpela rispekt, long wanem God yet i toktok long yumi. Long ol Sande na long ol Bikpela Pestode i gat 3-pela rit na wanpela Sam bilong bekim. Tasol namel long wik i gat tupela rit tasol na wanpela Sam bilong bekim.

Namba wan rit i kam long Olpela Testamen. Em ol rit bilong ol buk bilong ol Profet, o ol rit bilong ol buk i gat ol stori bilong Israel, long wanem Jisas i kamap man long lain bilong Israel.



Sam bilong bekim. Ol Sam bilong bekim em ol singsing Profet Devit yet i bin raitim. Bipo ol Israel i save yusim ol dispela singsing bilong litimapim nem bilong God, olsem na yumi ol Katolik tu i laik yusim ol dispela singsing tu.



Alleluia. Taim namba tu rit i pinis, orait yumi save singsing «Alleluia». Dispela tok «Alleluia» i min «preisim God». Wantaim dispela singsing yumi soim bikpela amamas, long wanem Jisas yet bai i toktok long yumi long Gutnius.



Namba tu rit i kam long Nupela Testamen. Em ol rit bilong ol Buk o Pas ol Aposel bilong Jisas yet i bin raitim. Yumi mas putim yau long skul bilong ol dispela pren bilong Jisas!



Gutnius. Bihain long Alleluia pris yet (o diken, sapos i gat) i save ritim Gutnius. **Dispela rit i winim tru ol arapela, long wanem Jisas yet i toktok long yumi.** Long Gutnius yumi harim ol stori na skul bilong Jisas, olsem na yumi mas putim yau gut na harim wantaim bikpela rispekt. I gat 4-pela Buk bilong Gutnius ol Ivanjelis i bin raitim. Nem bilong ol i olsem: Matyu, Mak, Luk na Jon.



SKUL BILONG PRIS



Taim Gutnius i pinis, orait ol manmeri i sindaun na pris i givim skul long ol. Long dispela skul ol pris i save toktok long as bilong ol rit yumi bin harim, na tu ol i save strongim yumi long bihainim Jisas gut na laikim em wantaim olgeta strong bilong yumi.

TOK BILIP

Skul i pinis, orait yumi olgeta i sanap na autim Tok Bilip bilong yumi, long wanem yumi laik tokaut olsem yumi i Katolik, na yumi no sem long autim bilip bilong yumi. Dispela Tok Bilip i save kamap long ol Sande na long ol Bikpela Pestode tasol.



PREA BILONG OL BILIPMANMERI



Long ol dispela prea yumi save askim God long harim ol singaut bilong yumi. Yumi askim em long helpim yumi long i stap gut na kisim ol samting yumi sot long em. Yumi save prea bilong helpim Papa Santu, na ol bisop na pris, na ol lida, na ol tarangu na sikmanmeri, na ol manmeri i dai pinis. Na tu yumi askim God long helpim yumi yet.

NAMBA 2 HAP BILONG SANTU MISA

Lotu bilong Yukaris

OFERTORI (o taim bilong ofa)

Long ofertori yumi save bringim bret na wain i kam long alta, bai pris i ken tanim tupela i kamap Bodi na Blut bilong Jisas. God yet i bin kamapim bret na wain na i givim long yumi, olsem na nau yumi laik givim bek long em dispela tupela samting.



KOLEKSEN (o kolekta)



Long bipo bipo tru i kam inap nau Katolik Sios i gat dispela gutpela pasin bilong serim ol samting bilong yumi. Sampela manmeri i save givim mani long God,

na sampela i save givim kaikai Ol dispela samting ol pris i
o ol klos samting. Ol dispela save yusim bilong helpim ol
samting i no samting yumi tarangu, na tu bilong mekim
givim long ol pris. Nogat. wok aposel insait long peris.



STRETIM ALTA NA OFARIM BRET NA WAIN LONG GOD

Taim ol i bringim bret na wain
pinis i go long alta, orait pris i
save ofarim ol dispela samting i
go long God. Tasol pastaim pris i save putim long alta wanpela
laplap yumi kolim korporal, na antap long em pater i save
putim kap (o kalis) na pleit (o paten) wantaim hostia. Long
sapta 3 bilong dispela buk yumi bai i toktok long minim bilong
ol dispela samting ol pris i save yusim.

Pastaim pris i kisim bret na ofarim long God, na em i askim
God long blesim dispela bret na tanim em i kamap Bodi bilong
Jisas. Bihain pris i kisim kap na putim wain na liklik wara
na mekim wankain samting, na em i askim God long tanim
dispela wain i kamap Blut bilong Jisas.

PUTIM LIKLIK WARAI INSAIT LONG WAIN

Dispela pasin i gat bikpela bilong em long spia, na wantu minim bilong em! Dispela blut na wara i kapsait.

wara i makim tupela samting: 2 - **Dispela wara i makim**

1 - **Dispela wara i makim yumi yet**, na wain i makim wara i bin kapsait long sait Jisas. Olsem na taim pris i bilong Jisas. Gutnius i stori putim liklik wara insait long long yumi olsem: taim Jisas i wain, em i mak bilong yumi i hangamap long diwai kros, laik pas wantaim Jisas na i stap wanpela soldia i sutim sait wantaim em oltaim oltaim.

NO KEN LUSTINGTING!

**Yu mas ofarim yu yet wantaim bret na wain!
Long taim bilong ofertori yu mas ofarim long Jisas
olgeta samting bilong yu olsem presen
bilong yu i go long em!**



Orait taim pris i ofarim bret na wain i go long God, sapos i gat insens, pris i mas givim insens long ol dispela samting.

PREA BILONG ASKIM GOD LONG KISIM OL DISPELA PRESEN

Bihain long dispela pris i save askim yumi long pre, olsem na em i tok: «Yumi pre», na em i mekim wanpela prea bilong askim God long akseptim dispela bret na wain, long wanem tupela bai i kamap Bodi na Blut bilong Jisas.



PREFASIO

Taim prea i pinis, orait pater i save mekim wanpela prea yumi kolim «Prefasio». Dispela prea i save skulim yumi long ol samting God i bin mekim bilong kisim bek yumi.

SANTU

Bihain long prefasio
yumi olgeta i bungim
maus na i singsing
«Santu». Dispela
singsing i gat bikpela
minim bilong em,
long wanem Buk
Baibel i tokim yumi



olsem ol santu bilong heven i save singsing oltaim dispela
singsing long ai bilong God! Olsem na taim yumi singsing
«Santu», orait yumi bungim maus wantaim ol ensel bilong
heven na singsing long God!



KONSEKRASIO

PUTIM YAU NAU!

Wanpela bikpela mirakel bai i kamap long alta! Dispela hap bilong Santu Misa i winim tru ol arapela hap!

Taim Santu i pinis, orait yumi save nildaun, long wanem yumi laik soim bikpela rispekt i go long God. **Dispela pasin bilong nildaun em i mak bilong yumi i laik adorim God.**

Long **konsekrasio** pris i save mekim wankain samting Jisas i bin mekim long Las Kaikai bilong em. Yes! **Long konsekrasio Jisas na pris i kamap wanpela tasol, olsem na pris i gat wankain pawa bilong Jisas!** O bikpela samting tumas!

Pastaim pris i kisim bret (o hostia) na i tok:

«Dispela em i bodi bilong mi»

Na taim pris i tok olsem, bret i tanim na i kamap Bodi bilong Jisas yet! Yes! Bret i no stap moa long han bilong pris, na nau pris i holim Bodi bilong Jisas long han bilong



em! Bikpela mirakel tumas!
Pris i holim Jisas long han
bilong em wankain olsem
santu Maria i bin holim bebi
Jisas long han bilong em!

Olsem na pris i apim Bodi
bilong Jisas na i soim long
olgeta manmeri, bai ol i ken
lukim na adorim em. Em bai
i gutpela tumas sapos taim

pris i soim Bodi bilong Jisas long yumi, yumi ken tok isi: **«Jisas,
yu Bikpela bilong mi, na yu God bilong mi».**

Bihain pris i kisim kap i gat wain na em i tok:



*«Dispela em i kap bilong
blut bilong mi»*

**Na wantu dispela wain i
tanim na i kamap Blut bilong
Jisas! O bikpela mirakel tumas!**
Dispela blut bilong Jisas i
bin kapsait long Pen na Indai

bilang em, nau em i stap insait long kap! Olsem na taim yumi dring long dispela kap, em i wankain olsem yumi putim maus bilong yumi long sait bilong Jisas, na yumi dringim blut i bin kapsait taim soldia i sutim em long spia!

Olsem na pris i apim Blut bilong Jisas na i soim long olgeta manmeri, bai ol i ken lukim na adorim em. Em bai i gutpela tu sapos taim pris i soim Blut bilong Jisas long yumi, yumi ken tok isi gen: «Jisas, yu Bikpela bilong mi, na yu God bilong mi».



*Santu Tomas
bilang Akwainas i tok:*

Yumi no inap lukim Jisas long Yukaris. Nogat. Ai bilong yumi i paul. Tasol bilip bilong yumi i tok:
JISAS I STAP LONG YUKARIS! Yes! Na yumi ol Katolik i tok olsem, long wanem **JISAS YET** i tok olsem long Las Kaikai bilong em.

AUTIM BILIP BILONG YUMI

Bihain long konsekrasio pris i invaitim yumi long tokaut long bilip bilong yumi, olsem na em i tok: «Nau yumi autim bilip bilong yumi». Na olgeta i bungim maus na i bekim olsem: «Krais yu dai, Krais yu kirap gen, Krais bai yu kam bek gen».



Bihain long dispela pris i go het long prea bilong Yukaris (long Tok Inglis: *Eucharistic prayer*), na dispela prea bai i pinis taim pris i apim Bodi na Blut bilong Jisas na i tok: «Dispela em i Jisas Krais. Long wok bilong Holi Spirit, em tasol i rot bilong givim ona na biknem long yu, God Papa, nau



na oltaim». Na yumi olgeta i bekim strong «Amen». Dispela tok «**A**men» i min olsem «**Y**es, mi bilip».

PAPA BILONG MIPELA

Long dispela hap
bilong Santu Misa
yumi olgeta i sanap
na beten «Papa
bilong mipela».

**Dispela prea em
i bikpela tru na i
winim ol arapela,
long wanem Jisas**



yet i bin kamapim dispela prea. Long «Papa bilong mipela»
yumi litimapim nem bilong God na i askim em long strongim

yumi long bihainim laik bilong em
oltaim. Yumi tu i askim God long
pogivim ol rong bilong yumi na long
givim ol samting yumi i sot long em.



SEKAN

«Papa bilong mipela» i pinis, orait
pris i mekim narapela prea, na bihain

em i invaitim yumi long sekan wantaim wanpela na narapela.


Dispela hap i gat bikipela minim tru. Long dispela hap planti pikinini i save pilai na tok fani, tasol yumi no ken mekim olsem. Nogat. Long wanem

yumi sekan olsem mak bilong yumi i lusim ol rong bilong ol arapela, na olsem mak bilong yumi i stap wanbel wantaim ol. **Sapos God i pogivim yumi, orait yumi mas pogivim tu wanpela na narapela.**

LEM BILONG GOD

Taim sekan i pinis, orait yumi save singsing **«Lem bilong God».**

Yumi save kolim Jisas «Lem» long wanem bipo ol judaman i save ofarim ol lem i go long God.



Ol judaman i save kilim i dai ol lem antap long alta, na taim blut bilong ol lem i lus, orait ol judaman i save askim God long pogivim ol sin bilong ol. Tasol blut bilong ol lem em i samting nating, na i no inap helpim yumi liklik. Olsem na yumi save kolim Jisas «Lem»

bilang soim olsem em tu i bin dai na blut bilang em tu i bin kapsait, tasol **blut bilang Jisas i gat strong bilang tekewe olgeta sin bilang yumi.**

Dispela tok «Lem bilang God» i kam long Buk Baibel

yet. I gat stori olsem: wanpela de Jon bilang Baptais i lukim Jisas i kam, na em i tok: *«Lukim! Em i lem bilang God!»* (Jon 1:29). Jon bilang Baptais i save pinis olsem Jisas bai i kapsaitim blut bilang em bilang kisim bek yumi.



*Santu Dominik Savio
i mekim 4-pela promis
long Jisas olsem:*

- 1)** Bai mi konpes na kisim Santu Komunio olgeta taim.
- 2)** Olgeta Sande bai mi go long Santu Misa.
- 3)** Jisas bai i stap nambawan pren bilang mi.
- 4)** Mi no laik mekim sin. Nogat. Mobeta mi laik i dai pastaim.



JISAS YET I STAP LONG YUKARIS!
TENKYU, JISAS!
MI NO LAIK MEKIM SIN MOA. NOGAT.
MI LAIK PAS WANTAIM YU TASOL!


BRUKIM HOSTIA

Nau pris i save kisim bikpela hostia na i brukim. Wanem minim bilong dispela samting? **Dispela pasin em i mak bilong ol samting i bin kamap long diwai kros.** Yes, long wanem long Pen na Indai bilong Jisas, bodi bilong Jisas i bruk olgeta. Olsem na nau pris i brukim hostia bilong soim olsem bodi bilong Jisas i bin bruk olgeta bilong kisim bek yumi.

Na tu pris i mekim olsem long wanem Jisas yet i bin brukim bret long Las Kaikai bilong em, olsem Buk Baibel i tok. Jisas i brukim bret long ai bilong ol aposel olsem mak bilong ol samting bai i kamap bihain long em, taim ol judaman na ol soldia i bagarapim bodi bilong em long Pen na Indai.



=




PUTIM LIKLIK HAP BODI INSAIT LONG KAP I GAT BLUT

Yu lukim dispela samting, o nogat? Ol pris i save brukim liklik hap bilong hostia na putim insait long kap. Wanem mining bilong dispela pasin?

Mining bilong em i olsem: dispela pasin i makim kirap bek bilong Jisas. Yes! Long wanem long Pen na Indai bilong Jisas, blut bilong em i lus olgeta, na

i no stap moa long bodi, olsem na Jisas i dai. Tasol long kirap bek, bodi na blut bilong Jisas i bung wantaim, olsem na Jisas i gat laip gen. Olsem na pris i bungim Bodi na Blut bilong Jisas bilong soim olsem: **Jisas i kirap pinis!** Em i no inap i dai moa! Nogat! **Em bai i stap laip inap oltaim oltaim!**



PRIS I SOIM JISAS LONG YUMI

Nau pris i soim Jisas long yumi na i tok: «Dispela em Jisas Krai. Dispela em i Lem bilong God i tekewe sin bilong olgeta manmeri...». Pris i mekim olsem bai yumi i ken lukim Jisas na i luksave olsem: **Jisas i bin dai olsem wanpela lem bilong tekewe olgeta sin bilong yumi.** Taim pris i tok olsem, em i mekim wankain toktok Jon bilong Baptais i bin mekim!

Na yumi bekim: «Lord, mi no inap long yu kam insait long haus bilong mi...». Yumi tok olsem bilong soim daun pasin bilong yumi. I gat stori long Buk Baibel i olsem: wanpela de wanpela man i



laik bai Jisas i helpim em, long wanem wokboi bilong dispela man i sik nogut tru na klostu i laik i dai. Olsem na Jisas i laik i go long haus bilong em, tasol dispela man i daunim em yet na i tok: «*Bikpela, mi no gutpela man inap long yu kam insait long haus bilong mi. Yu*

tok tasol, na wokboi bilong mi bai i orait gen» (Matyu 8:8).

Olsem na taim yumi tok «Lord, mi no inap long yu kam insait long haus bilong mi...» em i olsem yumi tokim Jisas olsem: «Jisas, mi

no gutpela tumas. Mi save mekim planti sin. Sol bilong mi i no gutpela tumas. Tasol mi laikim yu na mi laik i stap gut, olsem na mi laik yu kam insait long sol bilong mi long Santu Komunio».

KOMUNIO

Pris yet i save kisim Komunio pastaim, na bihain em i save tilim long ol manmeri. Yumi no ken lustingting: **Jisas yet i stap insait long Komunio, olsem na yumi mas kisim wantaim bikpela amamas na rispekt.**

Na sol bilong yumi i mas klin olgeta! **Yes**, sapos yumi gat mortal sin insait long sol bilong

yumi, yumi no ken kisim Jisas. **Nogat olgeta!**

Wankain olsem bret i save givim laip long bodi bilong yumi, Santu Komunio i save



givim laip long sol bilong orait yumi bai i go long yumi. Na sapos yumi save heven wantaim Jisas! Em yet kisim Santu Komunio oltaim, i tok:

JISAS I TOK: «*Tru tumas mi tokim yupela, sapos yupela i no kaikai bodi bilong Pikinini Bilong Man, na sapos yupela i no dringim blut bilong em, bai yupela i no gat laip i stap long yupela. Man i save kaikai bodi bilong mi na dringim blut bilong mi, em i gat laip i stap gut oltaim oltaim, na bai mi kirapim em long las de. Long wanem, bodi bilong mi em i kaikai tru, na blut bilong mi em i samting tru bilong dring. Man i kaikai bodi bilong mi na i dringim blut bilong mi, em i stap long mi, na mi stap long em*» (Jon 6:53-56).



Taim Komunio i pinis, stap insait long yumi, olsem yumi mas stap isi na yumi na yumi mas toktok wantaim no ken toktok, long wanem em tasol. Maski long toktok **yumi laik beten long Jisas.** o pilai wantaim ol pren. Olsem na yumi mas yusim Nogat. Yumi mas toktok na gut dispela taim! Jisas yet i stori wantaim Jisas tasol.

PREA BILONG PINIS

Orait nau pris i sanap na tok: «Yumi pre», olsem na yumi olgeta i sanap na harim dispela pre pris i save mekim. Pris i save tok tenkyu long God long Santu Misa na long Santu Komunio nau tasol yumi bin kisim. Na em i askim God tu long strongim yumi long stap gut na bihainim laik bilong em oltaim.



LAS BLESING



Taim dispela prea i pinis, orait pris i save blesim yumi, bai yumi i ken go bek long haus bilong yumi wantaim blesim bilong God Triwan. **Ol blesing bilong ol pris i gat bikpela pawa na strong**, na i save helpim yumi long kisim planti grasia! Olsem na oltaim yumi mas askim ol pris long blesim yumi!

MISA I PINIS

Blesing i pinis, orait pris i save tok: «Yupela go, Misa i pinis». Na yumi bekim olsem: «Yumi tenkim God». **Yes! Yumi mas tenkim God, long wanem long Santu Misa em i bin givim em yet long yumi!**

Nau yumi go bek long haus bilong yumi wantaim bikpela amamas, na wantaim bikpela laik long i stap gut na kamap santu!



PREA LONG AKENSEL SANTU MAIKEL

Bipo tru, taim misa i pinis, long olgeta hap bilong graun ol manmeri i save beten long Akensel santu Maikel. Nau nogat. Tasol long sampela peris dispela naispela kastam i stap yet, olsem na taim Santu Misa i pinis, ol i save beten long Akensel Maikel, em i was santu bilong Katolik Sios.



*Santu Alfons Maria
bilong Liguori i tok:*

**Pasin bilong beten
15-pela minit klostu long
tabernakel, i winim tru
ol arapela longpela prea
yumi save mekim!
Olsem na sapos yu beten
15-pela minit tasol klostu
long tabernakel, orait
yu bai i lukim ol bikpela
mirakel i kamap!**

Ol 15-pela promis bilong Holi Rosari

Santu Maria i bin promis long Santu Dominik
na long ol manmeri i save beten Holi Rosari olsem:

«Olgeta samting yu askim taim yu beten Holi Rosari, bai mi givim long yu».

Na em i promisim 15-pela samting long ol.

- 1) Man o meri i save sevim mi na beten Holi Rosari, bai i kisim **ol spesel grasia**.
- 2) Mi promisim **spesel proteksen** bilong mi na planti bikpela grasia long ol manmeri i save beten Holi Rosari.
- 3) Holi Rosari bai i kamap olsem klos bilong pait bilong **winim strong bilong hel**. Rosari bai i pinisim ol pasin nogut, bai i helpim man na meri long lusim sin na bai i pinisim ol giaman tok i laik bagarapim katolik bilip.
- 4) Holi Rosari bai i mekim ol gutpela pasin i kamap bikpela moa yet na i karim planti gutpela kaikai. Rosari bai i **helpim ol manmeri long kisim marimari** bilong God. Em bai i helpim ol manmeri long lustingting long amamas bilong dispela graun, na helpim ol long laikim ol samting i stap antap long heven
- 5) **Man o meri i save beten korona, em bai i no lus olgeta.**
- 6) **Man o meri i save beten korona, em bai i no gat taim nogut long laip bilong em.** God bai i no jasim em olsem strongpela jas. Sapos em i save beten olgeta de, em bai i no lusim grasia bilong God, na olsem em bai i go long heven.
- 7) Ol husat i beten korona **bai i no sot long ol sakramen** long taim bilong indai.
- 8) Ol husat i save beten korona taim ol i stap laip yet na taim ol i dai, **ol bai i kisim lait na grasia bilong God.**
- 9) **Bai mi rausim hariap long klinpaia ol manmeri husat i save beten korona.**
- 10) Ol husat i save beten korona **bai i stap antap tru long heven.**
- 11) Olgeta samting yu askim taim yu beten korona, **bai mi givim long yu.**
- 12) Ol husat i save mekim wok aposel na tokim ol narapela long beten korona, **bai mi helpim ol taim ol i sot long sampela samting.**
- 13) Pikinini bilong mi (Jisas) i tokim mi olsem, **olgeta santu na ensel bilong heven bai i sanap long kot wantaim ol manmeri husat i save beten korona**, na ol bai i helpim dispela man o meri long taim bilong kot.
- 14) Ol husat i save beten korona, **ol i pikinini bilong mi, na brata na susa bilong Jisas.**
- 15) Pasin bilong laikim korona **em i mak bilong i go long heven.**

SAPTA 3

Ol samting bilong Santu Misa



1 - Ol samting insait long haus lotu

Tabernakel

Dispela em i nambawan samting insait long haus lotu. **Yes, long wanem Jisas i stap insait long em.** Em i olsem wanpela bokis ol pris i save yusim bilong putim Holi Yukaris insait long em. **Em i olsem haus bilong Jisas namel long yumi.** Wankain olsem bipo Jisas i bin stap long haus bilong em long Nasaret, orait wankain tasol nau em i save stap namel long yumi long olgeta tabernakel long olgeta hap bilong graun.



Taim yu go insait long wanpela haus lotu na yu lukim tabernakel i stap, orait yu mas brukim skru olsem mak bilong adoresen i go long Jisas.



NO KEN
LUSTINGTING!
TAIM YUMI GO INSAIT
LONG HAUS LOTU,
YUMI MAS BRUKIM SKRU
OLSEM MAK BILONG
YUMI LAIK ADORIM
JISAS I STAP LONG
TABERNAKEL!

Tabernakel lam



Em i wanpela liklik lam i save stap klostu long tabernakel. **Sapos em i lait, i min olsem Jisas i stap insait long tabernakel.** Sapos em i no lait, i min olsem Jisas i no i stap.

Alta

Dispela em i namba tu samting insait long ol haus lotu. Alta em i wanpela tebol o traipela ston ol pris i save yusim bilong mekim sakrifais bilong Santu Misa. **Em i bikpela**




samting tumas, long wanem long konsekrasio Jisas i save lusim heven na i kam daun long graun, na em i stap antap long alta.

SAPOS I GAT
HOLI WARA LONG
DUA BILONG HAUS LOTU,
ORAIT YU MAS PUTIM
WANPELA PINGA INSAIT
LONG EM NA MEKIM MAK
BILONG KRUSE. HOLI WARA
BAI I TEKEWE OL VENIAL
SIN BILONG YU NA I
RAUSIM SATAN I GO
LONGWE!



Sanctuary

Em i wanpela eria i stap antap liklik we ol pris na ol alta boi tasol i save stap long em. Long olgeta haus lotu dispela eria i save stap namel, bai olgeta manmeri i ken lukim gut ol samting i kamap long Santu Misa.



Sia lida (o sia bilong pris)

Em i wanpela spesel sia ol pris i save yusim long taim bilong Santu Misa. Em i bikpela na i winim ol narapela sia.

Ambo (o lectern)

Em i wanpela longpela stand i gat lek bilong em. Yumi save yusim bilong ritim ol rit bilong Santu Misa. Na tu pris i save yusim bilong givim skul.





Kredens

Em i wanpela liklik tebol
yumi yusim bilong putim ol
samting bilong Santu Misa.

Sakristi

Em i wanpela rum ol pris na alta boi i save yusim bilong
redim ol yet long Santu Misa. Insait long dispela rum yumi bai i
painim ol klos bilong ol pater na bilong ol alta boi. Na tu yumi
bai i painim ol buk na ol samting bilong lotu.




Santu Filip Xeri i tok:

Man o meri i no save
beten bai i kamap olsem
ol animal. Sapos yumi
laik i go long heven na
stap pren bilong Jisas,
orait yumi mas beten
OLGETA DE! Yes! Long
wanem prea tasol i save
helpim yumi long abrusim
ol sin na stap gut.

2 - Ol holi kap bilong Santu Misa (o Sacred vessels)

Kap (o kalis)

Em i wanpela longpela na naispela kap ol pris i save yusim long taim bilong Santu Misa. **Kap em i bikpela samting tumas, long wanem Blut bilong Jisas i stap insait long em.**



Pleit (o paten)

Em i wanpela pleit ol pris i save yusim bilong putim **Bodi bilong Jisas**.


Siborium

Em i olsem wanpela kap i gat lid bilong em. Ol pris i save yusim bilong putim ol **Holi Komunio** ol bai i tilim long ol manmeri.



3 - Ol holi samting bilong Santu Misa

(o Sacred objects)



Kruse

Em i dispela bikpela kruse yumi save yusim long prosesio bilong bigin na pinis bilong Santu Misa. Yumi laik soim olsem: **sakrifais bilong Santu Misa na sakrifais bilong Jisas long diwai kros em i wankain tasol.**

Kendel

Yumi save yusim ol kendel bilong **tingim Jisas**, long wanem em yet i tok: “*Mi lait bilong dispela graun*” (Jon 8:12).




Thurible

Em i wanpela naispela vesel i gat longpela sen. Insait long em yumi save putim paia, **bai insens i ken kuk insait long em** na kamapim gutpela smel.

Insens boat

Em i wanpela **konteina** i gat paura bilong insens. Em i gat wanpela liklik spun bilong kisim insens tu.



Komunio paten

Em i wanpela spesel pleit ol alta boi i save putim aninit long maus bilong ol manmeri i kisim Komunio. **Ol i mekim olsem nogut wanpela hostia i pundaun,** na tu bikos planti taim ol liklik hap bilong hostia i save lus na pundaun long graun. Olsem na dispela pleit i bungim olgeta liklik hap hostia, na i no larim ol i pundaun long graun.

Cruets

Em ol tupela liklik konteina bilong **wain na wara.**






Ewer na basin

Em i olsem wanpela dis na wanpela konteina i gat wara ol alta boi i save yusim bilong **wasim han bilong pris**.

Belo

Yusim save pairapim belo long taim bilong **konsekrasio**, taim pris i soim Bodi na Blut bilong Jisas long ol manmeri.



Buk Misa




Em i wanpela bikpela buk ol pris i save yusim bilong ritim **ol prea bilong Santu**

Misa. Ol prea bilong Santu Misa i stap insait long em, long wanem ol pris i no ken toktok long laik bilong ol.

Buk Misa stand

Em i wanpela liklik stand ol pris i save putim antap long alta bilong holim Buk Misa.



Buk bilong Gutnius (o Ivanjeliarum)

Em i buk i gat ol 4-pela **Gutnius** wantaim ol pasin na skul bilong Jisas. Long ol Sande na ol Pestode ol alta boi i save karim dispela buk long prosesio, long wanem yumi mas soim bikpela rispekt long em.


Buk bilong ol rit (o Lectionary)

Em i dispela buk i gat ol rit bilong wan wan de bilong yia.



3 - Ol liklik laplap bilong Santu Misa (o Linen)

Korporal



Em i wanpela laplap olgeta arere bilong em i wankain mak tasol. Em i waitpela tru na sampela taim i gat liklik kruse long em. **Antap long em ol pris i save putim pleit wantaim**

Bodi bilong Jisas na kap wantaim Blut bilong Jisas.

Purificator

Em i wanpela liklik laplap ol pris i save yusim bilong **klinim kap na lip** bilong em bihain long ol i dringim Blut bilong Jisas. Ol pris i save yusim tu bilong klinim ol samting, olsem ol paten na siborium.



Pall

Em i wanpela strongpela laplap ol pris i save yusim bilong **karamapim kap**, nogut ol rokrok o das i kam insait long Blut bilong Jisas.



Pinga towel




Em i wanpela liklik towel ol pris i save yusim bilong **mekim drai** han bilong ol long Santu Misa.

Helpim pris long redim kap na paten!

kap + purificator + paten +
na hostia

pall + corporal



4 - Ol samting bilong Adoresen





Monstrans

Em i wanpela naispela kofer yumi save putim antap long alta bilong **holim Holi Yukaris**, bai ol manmeri i ken lukim na adorim Jisas.

Lunet

Em i **raunpela konteina** i gat glas we ol pris i save putim Holi Sakramen long em.




Piks

Em i **liklik konteina** ol pris i save yusim bilong putim lunet wantaim Jisas insait long em.

Benediksen veil o humeral veil

Em i wanpela longpela laplap ol pris i save putim long sol bilong em long taim bilong givim blesing wantaim Holi Yukaris.



Buk bilong ol prea

Em i wanpela buk wantaim **ol prea na litani** yumi save yusim long taim bilong Adoresen.



Santu Tomas

bilong Akwainas i tok:

Sakramen bilong Yukaris
i winim tru ol arapela
sakramen, long wanem
ol sakramen i save givim
grasia bilong Jisas long
yumi, tasol Yukaris i save
givim **JISAS YET** long yumi!
Na Jisas em i as na Papa
bilong olgeta grasias!

5 - Ol klos bilong pris

Bipo ol pris bilong Olpela ol i save yusim ol spesel klos Testamen i save yusim ol tu. Ol i mekim olsem bilong spesel klos long taim bilong soim rispekt long Jisas, na tu ofarim ol sakrifais long God. bikos ol klos bilong pris, i gat Olsem na nau ol pris tu i save bikpela mining bilong ol! mekim wankain samting, na Yu redi long lainim?

Cassok




Em i longpela klos ol pris i mas yusim oltaim. **Mining bilong em i olsem:** ol pris ol i samting bilong God yet, olsem na ol i laik i stap hait long ol samting bilong graun. Olsem na dispela longpela klos i save haitim olgeta hap bodi bilong ol pris, bai ol i ken i stap hait long ol samting bilong graun. Na tu ol i mas soim olsem ol i no man nating. Nogat. Ol i man God yet i bin makim bilong em yet, olsem na ol klos bilong ol tu i mas narakain.

Alb

Em i longpela waitpela klos pris i save yusim long taim bilong Santu Misa. Em i wait na em i mas klin olgeta. **Mining bilong em i olsem:** sol bilong pris tu i mas wait na klin olgeta, long wanem em i pris bilong Jisas yet.



Cincture (o rop)



Em i wanpela rop ol pris i save yusim na pasim arere long bodi bilong ol. **Mining bilong em i olsem:** yumi save yusim ol rop bilong pasim ol dok nogut, nogut ol i kaikai ol manmeri i wokabaut long ples. Olsem tasol ol pris i save pasim bodi bilong ol long rop olsem mak bilong ol i laik pasim ol laik nogut bilong bodi, nogut ol dispela laik nogut i pulim ol long mekim sin.

Stole



Em i longpela laplap pris i save putim arere long nek na antap long sol bilong em, na em i hangamap long sait na long sait. **Em i gat tupela mining bilong em:**

1 – Em i mak bilong pawa God yet i bin givim long pris. Ol pris na bisop tasol inap long yusim stole.

2 – Taim pris i putim stole long sol bilong em, em i mak bilong Jisas i painim sipsip i lus na i slipim long sol bilong em. Ol pris i mas i stap gutpela wasman bilong ol sipsip tu.

Chasuble

Em i klos i go antap tru, na i karamapim olgeta samting. Em i gat kain kain kala bilong em. Na mining bilong em i bikpela tru! **Em i gat tupela tupela mining bilong em:**



1 - Em i mak bilong laikim pasin (o *charity*) i mas karamapim laip bilong ol pris.
2 - Em i mak bilong pris i laik haitim em yet long ol samting bilong graun na givim em yet long God tasol.

Santu Misa i laik stat nau!
Helpim pris long redim em yet!





NAU
GIVIM
STOLE
LONG
EM



NA
NAU GIVIM
CHASUBLE
LONG
EM



NAU PRIS I REDI LONG
SELEBRETIM SANTU MISA!



ol kala ol pris i save yusim
long Santu Misa

Grin

Dispela kala em i **mak bilong hop na laip**. Ol pris i save yusim dispela kala long **Taim bilong yia**, olsem mak bilong Katolik Sios i no selebretim wanpela spesel taim o pestode.

Wait

Dispela kala em i **mak bilong glori na klinpela pasin**. Ol pris i save yusim dispela kala long taim bilong **Krismas, Ista** na ol Bikpela Pestode bilong **Jisas, santu Maria** na ol **santu** i no bin dai olsem martir.

Ret

Dispela kala em i **mak bilong paia na blut**. Ol pris i save yusim dispela kala long **Pam Sande, Gut Fraide**, long ol Pestode bilong ol **Aposel** na long ol de bilong tingim ol **martir**, long wanem ol i bin kapsaitim blut bilong ol bilong givim witnes long Jisas.

Ret em i **kala bilong paia tu**, olsem na ol pris i save yusim dispela kala tu long **Pentikos** na long ol lotu bilong **Holi Spirit**.

Vaiiolet o pepol

Dispela kala em i **mak bilong** **daun pasin, sori na penans**. Ol pris i save yusim dispela kala long taim bilong **Atven na Lent**, long wanem long dispela tupela taim yumi mas mekim sakrifais na penans. Na tu ol pris i save yusim dispela kala long taim wanpela **man o meri i dai pinis**, bilong soim sori long indai bilong dispela man o meri.




Rose (o pink)

Dispela kala em i **mak bilong** **amamas**. Ol pris i save yusim tupela taim tasol long yia: long **namba 3 Sande bilong Atven**, na **long namba 4 Sande bilong Lent**. Ol i save yusim dispela kala bilong soim ol manmeri olsem: i no longtaim taim bilong Atven na Lent bai i pinis, na yumi bai i amamas long Krismas na long Kirap Bek bilong Jisas!

*Man i
kaikai bodi bilong mi
na i dringim blut bilong mi,
em i stap long mi,
na mi stap long em.*

(Jon 6:56)



*Sapos Jisas
i tokim yupela long
mekim wanpela samting,
orait yupela i mas mekim.*

(Jon 2:5)



6 - ol samting bilong bisop

Miter



Em i hat ol bisop i save yusim i soim bikpela **pawa na namba** bilong ol. Bipo bipo tru ol Hetpris bilong ol judaman tu i save yusim dispela hat, bilong soim long ol manmeri olsem ol i go pas long ol samting bilong lotu.

Pastoral staff

Em i dispela stik ol bisop i save holim long han bilong ol. Dispela stik em i wankain olsem ol stik ol wasman bilong sipsip i save yusim. **Mining bilong em i olsem:** bisop em i gutpela wasman bilong ol sipsip insait long daiosis bilong em.



Skull cap

Em i wanpela liklik hat ol bisop i save yusim long het bilong ol oltaim. Ol i save rausim em tasol pastaim long konsekrasio, long wanem Jisas bai i kam long alta, olsem ol bisop tu i soim **rispekt long Jisas**.




Ring



Em i mak bilong bisop i maritim Sios bilong Jisas na i laik i **pas wantaim em** inap long indai bilong em.

Pallium

Em i wanpela laplap ol Arsbisop tasol i save yusim long sol bilong ol long taim bilong ol Bikpela Pestode. Dispela palium em i mak bilong **sipsip i lus na i slip i stap long sol bilong Jisas**, em i gutpela wasman bilong ol sipsip.



7 - ol narapela klos



Stole bilong diken

Stole bilong diken i wankain olsem stole bilong pris, tasol em i pas. Olsem wanem? Dispela em i mak i soim olsem: **pawa bilong ol diken i pas yet, olsem na ol i no gat wankain pawa olsem ol pris.** Taim ol diken i kamap pris na ol i kisim pawa bilong mekim Misa na harim konpesio, orait dispela stol i save lus na i kamap wankain olsem stole bilong pris.


Cope

Em i longpela klos pris i save putim antap long tupela sol bilong em na pasin long nek. Cope i op i stap long front na i hangamap i go daun inap long lek bilong pris. Ol pris i save yusim cope long ol **prosesio** na long ol arapela bikpela **selebresen wantaim Holi Yukaris.**



Surplice

Em i sotpela waitpela klos pris i save werim antap long cassock bilong em. Pris i save yusim surplice long **sampela lotu** we em i no nid long yusim alb.



*Susa bilong Bleset
Pita ToRot i tok:*

«Peter ToRot em i man bilong prea. Em i tingting oltaim long Misa na long Komunio. **Oltaim em i save kisim Santu Komunio long taim bilong Misa.** Peter ToRot i gat bun. Em i soim rot. Taim em i liklik mangi yet em i save go pas long ol arapela mangi».



KISIM KOMUNIO LONG MAUS O LONG HAN?



Long sampela hap bilong Papua Niugini ol manmeri na ol pikinini i save kisim Santu Komunio long han, long wanem Mama Sios i givim tok orait long ol long mekim olsem.

Tasol yumi mas save gut olsem dispela **pasin i gat bikpela risk bilong em**, long wanem **Jisas i stap long olgeta liklik hap bilong hostia**, olsem na sapos wangepela liklik hap i pundaun long graun o i pas long han bilong yu... **Jisas bai i kisim bagarap! Tarangu Jisas!**

Olsem na Mama Sios i save strongim ol manmeri long **kisim Santu Komunio long maus tasol**, bai pris tasol i ken tasim Bodi

bilong Jisas long han bilong em, long wanem han bilong pris em i samting holi. **Jisas yet i bin santuim han bilong pris long taim em i kisim sakramen bilong Ordo**, olsem na pris tasol i gat rait long tasim Jisas.

Na Mama Sios tu i save strongim ol manmeri na ol pikinini long **brukim skru long taim bilong kisim Jisas**, bilong soim bikpela laik bilong ol i go long em. Na tu bikos dispela pasin bilong brukim skru em i mak bilong adoresen.



SAPTA 4

Pasin bilong ol pikinini



Pasin bilong ol pikinini i mas olsem wanem?

Pasin bilong ol pikinini i mas stap gutpela long ai bilong Jisas na long ai bilong ol manmeri tu.

Olsem na nau yumi bai i toktok liklik long ol gutpela pasin ol pikinini i mas mekim.

Ol pikinini i mas i stap gut long haus

Ol pikinini i mas harim tok bilong papamama bilong ol oltaim.

Dispela pasin bilong harim tok em i bikpela samting tru long ai bilong Jisas na Mama Maria.

Yes, long wanem taim Jisas i bin stap pikinini, oltaim em i save harim tok bilong papamama bilong em. Long Gutnius i gat wanpela stori bilong Jisas i olsem: wanpela de, taim Jisas i gat 12-krimas, em i lusim ples Nasaret na i go wantaim



santu Maria na santu Josep long ples Jerusalem. Na taim ol i laik go bek long ples bilong ol, orait Jisas i no bihainim ol i go bek, na em wan i stap long Tempel bilong Jerusalem. Olsem na papamama bilong em i wok long painim em, na bel bilong tupela i hevi tumas. Na taim ol i painim Jisas pinis, orait ol i go bek long ples. Na

Gutnius i tok: *Orait em i go bek wantaim tupela, na ol i kamap long Nasaret, **na oltaim em i save bihainim tok bilong tupela*** (Luk 2:51). **Jisas em i pikinini bilong harim tok bilong papamama, olsem na ol pikinini tu i mas bihainim eksampel bilong Jisas,** na harim tok bilong papamama bilong ol.

Ol pikinini i mas i stap gut long skul

Ol pikinini i mas soim gutpela eksampel oltaim, olsem na taim ol i go long skul, **ol i mas i stap**

gutpela sumatin tru. Pasin bilong pait na sakim tok i no gutpela long ai

bilong Jisas, olsem na ol

pikinini i mas abrusim

ol dispela pasin nogut.



I gat narapela pasin nogut long wanem dispela pasin i no
tu ol pikinini i mas abrusim: stret long ai bilong Jisas.
pasin bilong tok giaman. Yes,

Ol pikinini i mas i stap gut long ples

Olsem yumi tok pinis, **ol** nogut, olsem na ol pikinini i
pikinini i no ken i stap pren mas les long stap pren bilong
bilong ol boi na gel nogut ol. Planti boi na gel bilong
bilong ples. Nogat. Ol i mas ples i save tok nogut, stil na
i gat ol gutpela pren tasol. mekim planti pasin nogut na
Long ples i gat planti pikinini doti, olsem na ol pikinini i
na yut i save mekim pasin no ken i stap pren bilong ol.

Ol pikinini i mas pre planti

Yes! Ol pikinini i mas pre planti.
Dispela pasin bilong pre em i bikpela
samting long ai bilong Jisas, na **Jisas i**
save laikim tumas ol boi na gel i save
pre long em. Dispela pasin i soim Jisas
olsem yumi laikim em tru, na i soim tu



olsem yumi laik givim taim
bilong yumi long em.

Olsem na ol pikinini i mas
wok hat bilong pre long haus
bilong ol **taim ol i kirap long
moning, taim ol i redi long
kaikai, na tu taim ol i laik go
malolo long nait.**

Ol pikinini i mas i go long
haus lotu taim i gat prea, kain
olsem Korona, Adoresen long
Santu Sakramen o ol narapela
prea i save kamap long wan
wan ples. Prea em i bikpela
samting tumas, olsem na yumi
no ken les long em!



*Santu Fransis
bilong Sales i tok:*

**Yumi mas skelim gut
ol pren bilong yumi!**
Long wanem, ol pren nogut
bilong ples i save pulim
yumi i go longwe long Jisas.
Sapos yumi laik i stap pren
bilong Jisas, orait yumi
mas harim tok bilong em
OLTAIM na bihainim gut
ol mandato bilong em.

Ol pikinini i mas i go long Santu Misa

Pasin bilong i go long Santu Misa i winim tru olgeta samting, long wanem **long Santu Misa Jisas yet i lusim heven na i kam long graun**, olsem na em i stap namel long yumi. Ol pikinini i mas laikim Jisas, olsem na ol i mas i go long Misa, bai ol i ken lukim em na pre long em.

Ol pikinini i mas i go long Santu Misa olgeta Sande, na ol i mas winim lespasin o pasin bilong givim eskus. Sampela taim i save kamap olsem ol arapela boi na gel bilong ples i les long



go long Misa, tasol ol gutpela pikinini i no ken bihainim dispela pasin nogut bilong ol. Nogat. Ol gutpela pikinini i mas soim olsem ol i laikim Jisas tru, olsem na ol i mas i go long misa long olgeta Sande.

Na em i gutpela tumas sapos ol pikinini i laik i go long Misa long ol narapela de tu namel long wik, maski i no Sande.

Sapos yu inap go long Misa namel long wik, dispela pasin bai i soim Jisas olsem yu laikim em tru!

Ol pikinini i mas konpes oltaim

Yes! Ol gutpela pikinini i mas konpes oltaim. **Dispela pasin bilong konpesio i save tekewe olgeta sin bilong yumi, olsem na sol bilong yumi i kamap klin olgeta.** Na sol bilong ol pikinini i mas stap klin oltaim, long wanem Jisas i amamas long dispela pasin, na **Jisas i laikim tumas ol pikinini sol bilong ol i klin.** Olsem na ol pikinini i mas konpes planti taim, bai sol bilong ol i ken stap klin oltaim. Olsem na Jisas bai i amamas tumas long ol dispela pikinini, long wanem sol bilong ol bai i klin olgeta.



KONPESIO EM I BIKPELA SAMTING TUMAS!

Ol pikinini i mas konpes planti taim tumas, long wanem ol i mas tok sori long Jisas long ol sin ol i bin mekim. **Yes! Ol sin bilong yumi i bin nilim Jisas long diwai kros,** olsem na yumi mas tok sori long Jisas! Taim wanpela pikinini i konpes, Jisas i luksave olsem dispela pikinini i laikim em tumas, olsem na **Jisas i save tekewe olgeta sin bilong em na strongim em,** bai em i ken abrusim ol traim nogut bai i kamap bihain.


Ol pikinini i mas laikim santu Maria

Dispela pasin bilong laikim santu Maria em i bikpela samting long ai bilong Jisas, long wanem santu Maria em i Mama bilong em yet. Jisas i save laikim tumas ol boi na gel i save laikim santu Maria, na Jisas i save pulapim ol long planti grasia na blesing.

Olsem na ol pikinini i mas laikim santu Maria, na ol i mas pre long em oltaim.

Namel long olgeta prea bilong santu Maria, Korona i winim ol narapela. Yes, santu Maria yet i tokim wanpela

santu olsem: «Namel long olgeta prea ol manmeri i save mekim long mi, Korona em i nambawan tru. Mi save laikim Korona moa long ol narapela prea».



Ol pikinini i mas pren wantaim ol pris

Pasin bilong i stap pren wantaim ol pris em i bikpela pasin tru. Ol pikinini i mas stap pren bilong ol pris. **Ol i no ken pret long pris o sem long toktok wantaim ol.** Nogat. Ol pris i save laikim tumas ol pikinini, olsem na ol pris i save amamas tumas taim wanpela pikinini i kam long toktok wantaim em.

Ol pris i amamas taim wanpela pikinini i kam na stori long em long ol samting bilong haus, o skul o ples.

Olsem na ol pikinini i no ken sem long toktok wantaim ol pris. Nogat. **Ol i mas askim ol pris long givim advais long ol,** na long helpim ol long kamap gutpela pikinini na gutpela kristen.



Santu Antoni bilong Padua i tok:

Planti kristen manmeri
i save pulap long ol
gutpela toktok, tasol ol i
sot long ol gutpela pasin.

Yumi mas soim bilip
bilong yumi **long pasin**
bilong yumi tasol. Maski
long toktok. Pasin bilong
yumi bai i soim olsem
yumi kristen tru!

Ol pikinini i mas mekim ol wok marimari

Mama Sios i makim 14-pela wok marimari ol manmeri i mas mekim. Ol dispela wok i olsem:

Wok marimari i helpim bodi bilong ol manmeri

- 1 - Givim kaikai long husat i hangre.
- 2 - Givim wara long husat i dai long wara.
- 3 - Givim klos long husat i no gat klos.
- 4 - Visitim ol manmeri i stap long kalabus.
- 5 - Welkamin ol manmeri husat i nogat ples bilong slip.
- 6 - Visitim ol manmeri i sik.
- 7 - Planim bodi bilong ol manmeri i dai pinis

Wok marimari i helpim spirit bilong ol manmeri

- 1 - Stretim pasin bilong man husat i mekim rong.
- 2 - Skulim ol manmeri husat i no gat save.
- 3 - Givim gutpela tingting na advais long husat i nidim.
- 4 - Pogivim ol manmeri i mekim rong long yumi.
- 5 - Strongim ol husat i gat wari na hevi.
- 6 - Karim gut ol rong bilong arapela manmeri.
- 7 - Pre long God bai em i ken helpim ol manmeri i stap laip yet, na ol manmeri i dai pinis.

4-PELA SAMTING BILONG SANTU MARIA OL PIKININI I MAS SAVE GUT!

Mama Sios i tok olsem i gat 4-pela samting bilong santu Maria yumi ol Katolik i mas bilipim:

1) SANTU MARIA EM I MAMA BILONG GOD

Yes, long wanem Jisas em i God tru na Maria em i mama bilong Jisas, olsem na Maria em i Mama bilong God.

2) SANTU MARIA EM I VIRGO OLTAIM


Yes, long wanem Maria i kisim bel long Holi Spirit. Na taim em i karim Jisas pinis, orait em i no karim ol narapela pikinini. Nogat tru.

3) SANTU MARIA EM I KLIN OLGETA

Yes, long wanem God yet i bin makim Maria bilong kamap Mama bilong em, olsem na God i no larim sin i bagarapim sol bilong em.

4) SANTU MARIA I GO BEK LONG HEVEN

Yes, long wanem Jisas i laik bai mama bilong em i ken i stap wantaim em long heven, olsem na taim wokabaut bilong Maria i pinis long graun, Jisas i kisim em i go long heven.



SAPTA 5

Alta boi em i wanem samting?



Alta boi em i wanem samting?

Alta boi em i wanpela boi i save mekim kain kain lotu i save helpim ol pris long (kain olsem Adoresen long taim bilong Santu Misa na Santu Sakramen, baptais, long ol arapela lotu tu. Ol funeral, etc.), olsem na ol alta pris i no save mekim Santu boi i save helpim ol pris long Misa tasol. Nogat. Ol pris ol dispela lotu tu.

Na wok bilong ol alta boi
em i bikipela samting, o nogat?

Yes! Wok bilong ol alta boi em i bikipela samting tru! **Ol i gat bikipela wok tru, long wanem taim ol i helpim ol pris, ol i save helpim Jisas yet.** Yumi save pinis: taim wanpela pris i mekim lotu, dispela pris i kamap olsem Jisas yet, olsem na Jisas yet i go pas long lotu, na ol pris i go bihain long em. Olsem na taim wanpela alta boi i helpim ol pris long mekim lotu, ol i save helpim Jisas yet.



olsem na ol alta boi

i mas stap pren bilong Jisas?

Yes! Ol alta boi i mas ol, long wanem ol i save stap
stap pren bilong Jisas stret. klostu tru long Jisas long taim
Pasin pren bilong ol wantaim bilong lotu. Sol bilong ol alta
Jisas i mas winim ol narapela boi i mas klin olgeta, long
manmeri bilong ples bilong wanem Jisas i save laikim
ol. Ol i mas laikim Jisas tumas ol boi na gel sol bilong
wantaim olgeta strong bilong ol i klin.



Na ol ensel i no save mekim
wok bilong helpim God tu?

Yes! Ol ensel i save mekim wok bilong
helpim God oltaim. Tasol ol ensel i save
helpim God long heven tasol. Long graun
ol ensel i no save helpim God. Nogat.
**Long graun God i laik bai ol alta boi tasol
i helpim em. Olsem na wok bilong ol alta
boi long graun em i olsem wok bilong ol
ensel long heven.**

Na pasin bilong ol alta boi i mas olsem wanem?

Pasin bilong ol alta boi i mas mekim wok bilong helpim stap stret long ai bilong Jisas, Jisas, olsem na **ol i mas stap** na long ai bilong ol manmeri **gutpela boi tu long haus, long** tu. Yes, long wanem ol i save **ples na long skul.**

Santu Jon Bosco i tok:

Yu mas trastim oltaim
Jisas i stap long Holi
Yukaris na **Santu**
Maria, em i ples hait
bilong ol kristen.
Yu mas lusim olgeta
wari bilong yu long
han bilong tupela.
Na i no longtaim yu
bai i lukim **ol bikpela**
mirakel i kamap!



Ol alta boi i mas abrusim boi i mas laikim Jisas wantaim
olgeta samting nogut i laik olgeta strong bilong ol, olsem
pulim ol long mekim sin, long na **ol i mas ranawe long ol**
wanem ol sin bilong yumi i **samting nogut** i save givim
bin kilim Jisas i dai. Ol alta pen long Jisas.

Na ol alta boi
i save amamas na pilai tu?

Yes! Ol alta boi ol i wankain olsem ol arapela boi bilong ples,
tasol ol i gat dispela bikpela wok bilong helpim Jisas. Olsem na
ol i save pilas na amamas wantaim ol pren bilong ol. Tasol **ol**
alta boi i mas skelim gut ol pren bilong ol, long wanem ol i
no ken bihainim ol pren nogut. Nogat. Ol alta boi i mas i gat
ol gutpela pren tasol. Na sapos wanpela boi nogut bilong ples
i laik pulim wanpela alta boi long mekim sin, dispela alta boi i

mas sanap strong na lusim
dispela pren nogut. **Ol**
alta boi i mas i stap pren
bilong Jisas, olsem na ol i
no ken i stap pren bilong
ol boi nogut.



Na ol alta boi i mas kisim ol sakramen,
o nogat?

Yes! Ol alta boi i stap pren konpirmasio. Sampela i no bilong Jisas, olsem na **ol i mas kisim yet nambawan Komunio kisim ol sakramen.** Namel long na konpirmasio, tasol ol i save ol alta boi, sampela i kisim go long Sande Skul na ol i save pinis nambawan Komunio na stadi gut ol samting bilong Jisas.



Santu Gemma i tok:

Long de stret bilong nambawan Komunio bilong mi, Jisas i kirapim tingting bilong kamap sista insait long bel bilong mi.

Mi redi long go long haus lotu, tasol pastaim mi kisim wanpela pepa na raitim dispela 5-pela promis long Jisas:

1) Bai mi konpes na kisim Santu Komunio oltaim, na oltaim bai mi redim mi yet gut long kisim Jisas.

2) Bai mi visitim Jisas long tabernakel oltaim. Na taim mi bel hevi, bai mi visitim em moa moa yet.

3) Olgeta nait bai mi askim santu Maria long sambai long mi. Na bai mi mekim penans bilong redim mi yet long ol Bikpela Pestode bilong santu Maria.

4) Mi no ken lustingting olsem oltaim God i save lukluk long mi na skelim ol pasin bilong mi.

5) Na oltaim mi harim belo bilong haus lotu i pairap, bai mi tok: «Jisas bilong mi, marimari long mi»



SAPTA 6

**Rot bilong helpim pris
long taim bilong Santu Misa**



Long dispela sapta yumi bai i toktok liklik long wok bilong wan wan alta boi insait long Santu Misa

Alta boi i holim turifer

Turifer o insens em i alta boi i holim thurible o insens long taim bilong Santu Misa. Wok bilong em i bikpela tumas, long wanem **insens em i samting yumi yusim bilong adorim God**, na ol ensel tu i save yusim insens long heven!

Wok bilong em i olsem

- Bipo long Santu Misa, em i mas redim gutpela paia ausait long haus lotu, bai taim Santu Misa i laik stat, orait ol charcoal i ken lait i stap.

- Taim prosesio bilong bigin i laik stat, orait em i mas kam klostu long pris, bai pris i ken putim insens long thurible.

Dispela alta boi i go pas long prosesio!

- Taim em i kam kamap long alta, orait em i mas bau tasol. Em i no brukim





skru, nogut insens i pundaun long graun!
Em i mas go stret long alta, na wetim pris
klostu bai i kam.

- Taim pris i givim kis pinis long alta, orait
dispela alta boi i mas kam klostu long pris, bai
pris i ken putim insens insait long thurible na
blesim. Bihain em i givim thurible long pris, na
em i wokabaut wantaim pris bilong blesim alta na ol statu bilong
ol santu.

- Taim ol rit i pinis na ol manmeri i wok long singsing
«Alleluia», orait em i mas i kam long pris, bai pris i ken putim
insens gen long thurible. Bihain em i joinim prosesio bilong ol
kendel na go wantaim pris long lectern. Taim pris i tok: «Harim
Gutnius bilong Jisas Krais Matyu (o Mak, o Luk o Jon) i raitim»,
em i mas givim thurible long pris, bai pris i ken givim insens long
Buk bilong Gutnius.

- Long ofertori, bihain long pris i
ofarim bret na wain i go long God, em
i mas kam klostu long pris gen, bai
pris i ken putim insens na blesim alta.
Alta boi i mas wokabaut wantaim pris
i raunim alta bilong blesim ol ofa.



- Ol i raunim alta pinis, orait pris bai i givim thurible bek long alta boi. **Alta boi i mas tromoi insens long pris 6-pela taim.** Em



i mas mekim olsem: em i tromoi insens 2-pela taim, na em i daunim thurible. Bihain em i tromoi insens 2-pela taim gen, na daunim thurible gen. Na bihain em i tromoi insens 2-pela taim moa, na daunim thurible gen.

- Sapos i gat ol narapela pris tu i mekim misa, orait em i mas mekim wankain samting long ol tu.

- Bihain em i go daun na sanap long ai bilong ol manmeri, na tromoi insens long ol. Em i mas mekim wankain olsem em i bin mekim long pris.

- Long taim bilong konsekrasio em i mas tromoi insens long Bodi na Blut bilong Jisas. **Em i mas putim yau gut na tromoi insens taim pris i apim Bodi na Blut bilong Jisas bai ol manmeri i ken lukim.** Na em i mas tromoi insens long Jisas wankain olsem em i bin tromoi bipo long pris na long ol manmeri: **6-pela taim.**

- Taim misa i pinis, orait em i mas namba wan alta boi i go daun long sanctuary, na wetim ol arapela alta boi long joinim em long prosesis bilong pinis.



SAPOS LONG
SANTU MISA I GAT
DIKEN, ORAIT ALTA
BOI I MEKIM THURIBLE I
MAS TOKTOK PASTAIM LONG
EM! LONG WANEM SAMPELA
OL WOK DISPELA ALTA BOI
I SAVE MEKIM, EM OL DIKEN
I MAS MEKIM, OLSEM NA
TUPELA I MAS TOKTOK
GUT PASTAIM.



Santu Bernard i tok:

Santu Misa em i mak
bilong laikim pasin
bilong Jisas

i kam long yumi.

I no gat wanpela
samting long heaven
o long graun i ken
winim Santu Misa.

Nogat tru.

**Santu Misa tasol
em i nambawan
samting!**

Alta boi i holim kruse

Alta boi i holim kruse em i dispela alta boi i save karim kruse long prosesio bilong bigin na long prosesio bilong pinis. Wok bilong em i bikpela tru, long wanem **em i soim Jisas long ol manmeri, na em mekim klia long ol dispela sakrifais bai i kamap long Santu Misa!**

Wok bilong em i olsem

- Long prosesio bilong bigin insens i go pas, na **kruse i go bihain.**

- Taim em i kam kamap long alta, orait em i mas bau na i go antap long sanctuary. Em i no wetim ol alta boi na ol pater. Nogat. Em i go antap pas na i putim kruse long stand bilong em, klostu long alta.

- Long taim ol manmeri i bringim ol ofa i kam long alta, orait dispela alta boi i mas i go daun na helpim pris long kisim bret na wain.



- Em i mas **paitim belo** long konsekrasio taim pris i soim Bodi na Blut bilong Jisas.

- Taim Santu Misa i pinis, orait em i mas karim kruse gen na i go pas.



TAIM ALTA
BOI I WOKABAUT
WANTAIM KRUSE, EM I
MAS PUTIM KRUSE I GO
ANTAP TRU, BAI OL
MANMERI I KEN LUKIM
JISAS!



*Santu Martin
de Porres i tok:*

Yu no ken skelim na jasim
ol narapela manmeri, na
yu no ken tok baksait
long ol tu. Yumi olgeta
i gat sin long ai bilong
God. Olsem na yu mas
skelim **pasin bilong yu**
tasol na wok hat bilong
kamap santu!

Alta boi i holim ol kendel

Alta boi i holim ol kendel em ol tupela alta boi i save karim kendel long taim bilong prosesio na long taim bilong Gutnius. Wok bilong ol i bikpela tru, long wanem **kendel em i mak bilong Jisas, long wanem Jisas em i lait bilong dispela graun!**

Wok bilong ol i olsem

- Long prosesio bilong bigin, tupela i mas wokabaut **long sait na long sait bilong alta boi i karim kruse.**

- Taim tupela i kam kamap long alta, orait tupela i bau na i go antap long sanctuary. Tupela i no save wetim ol narapela alta boi na pris. Nogat.

- Tupela i mas lusim ol kendel antap long alta, na i go sanap long ples bilong ol.

- Long taim bilong Gutnius, tupela i mas **kisim ol kendel na i go sanap long front bilong alta.** Taim pris i joinim ol, orait ol i wokabaut wantaim i go long lectern.



- Ol i mas sanap long sait na long sait bilong lectern, na **holim ol kendel antap**, long wanem rit bilong Gutnius em i bikpela samting tumas.

- Gutnius i pinis, orait tupela i go lusim kendel long alta gen.

- Long taim bilong **konsekrasio** ol i mas kisim ol kendel gen na i go nildaun long front bilong alta, olsem mak bilong soim olsem bikpela mirakel bai i kamap!

- Long taim bilong **Komunio** ol i mas kisim ol kendel na sanap long sait bilong pris.

- Na taim Santu Misa i pinis, orait ol i kisim ol kendel na i wokabaut bihain long kruse.



TAIM ALTA
BOI I WOKABAUT
WANTAIM KENDEL, EM
I MAS WAS GUT NA PUTIM
YAU, NOGUT WARABILONG
KENDEL I PUNDAUN
NA I KUKIM HAN
BILONG EM!

Alta boi i holim Buk bilong Gutnius


Alta boi i holim Buk bilong Gutnius em i dispela alta boi i karim Buk bilong Gutnius long prosesio bilong bigin. Wok bilong em i bikpela samting tumas, long wanem **em i karim buk i gat stori bilong Jisas yet!**

Wok bilong em i olsem

- Long prosesio bilong bigin em i mas wokabaut **bihain long tupela kendel**, na em i mas karim Buk bilong Gutnius i go long alta.

- Taim em i kam kamap long alta, orait em i mas bau tasol na i go antap long sanctuary. Em i no wetim ol narapela alta boi o pris. Nogat.

- Em i go antap long sanctuary pinis, orait em i **lusim Buk bilong Gutnius antap long alta**, na em i go stap long ples bilong em.



- Sapos pris i no yusim lectern, orait dispela alta boi i mas **holim Buk Misa long han bilong em** na i sanap klostu long pris, bai pris i ken ritim ol samting.

- Long prosesio bilong pinis em i no ken kisim Buk bilong Gutnius gen. Nogat. Buk i mas i stap long lectern tasol.



SAPOS LONG
SANTU MISA I GAT
DIKEN, ORAIT DIKEN
YET I MAS KARIM BUK
BILONG GUTNIUS!



Santu Dominik i tok:

Pasin bilong beten
korona **em i bikpela**
samting tuma!

Sapos yumi beten
korona olgeta de, orait
mi ting olsem dispela
graun bai i kamap
narakain olgeta, long
wanem strong bilong
Satan bai i lus olgeta.

Ol alta boi i stap long kredens

Ol alta boi i stap long kredens em ol alta boi i save helpim pris long ol Holi Kap na ol narapela samting pris i save yusim long taim bilong Misa. Ol i save was long kap, long siborium, long ol cruets, etc. Wok bilong ol i bikpela tru, long wanem **ol i save holim long han ol samting Jisas yet bai i yusim bilong mekim Misa!**

Wok bilong ol i olsem

- Long prosesio bilong bigin tupela i wokabaut **klostu long pris**. Tupela i las alta boi tru bilong prosesio.

- Taim ol i kam kamap pinis long alta, orait tupela i **mas wetim pris** i kam na joinim ol long front bilong alta. Ol i mas **brukim skru** wantaim pris, na i go sanap antap long sanctuary.

- Long **ofertori** ol i mas helpim pris planti taim!





- Pastaim ol i mas kisim kap i kam long alta, bai pris i ken redim ol laplap samting.

- Ol i mas **kam daun** wantaim pris long front bilong alta, bilong kisim bret na wain ol manmeri i save kisim i kam long alta. Ol i mas kisim olgeta samting na putim long alta.

- Bihain ol i mas kisim ol cruets i kam, bai pris i ken putim wain na wara long kap.

- Taim pris i putim wain na wara pinis, orait ol i mas go bek long kredens na kisim i kam dispela dis wantaim wara na pinga towel, bai pris i ken wasim han bilong em. Sapos i gat insens, orait ol i no ken kam hariap na wasin han bilong pris. Nogat. Ol i mas wet pastaim long pris i raunim alta pinis.

- Long taim bilong **Komunio** ol i save **holim paten aninit long maus** bilong ol manmeri, nogut sampela liklik hap bilong Santu Komunio i pundaun long graun.

- Komunio i pinis, orait tupela i putim ol paten antap long alta, na **kisim wara i kam**, bai pris i ken klinim gut ol samting.



- Bihain long pris i klinim olgeta samting pinis, orait ol dispela alta boi i mas kisim ol samting na putim gen long kredens.
- Long prosesio bilong pinis ol i wokabaut klostu long pris, wankain olsem long prosesio bilong bigin.



OL ALTA BOI
I MAS SOIM BIKPELA
RISPEKT LONG OL
SAMTING I STAP LONG
KREDENS, LONG WANEM
EM OL SAMTING BILONG
JISAS YET!

BIKPELA TOKSAVE I GO LONG ALTA BOI

Wanpela de ol pris i stap long peris bilong yupela bai i kamap lapun, olsem na... husat bai i kisim ples bilong ol olsem pris? Yupela i mas pre long Jisas bai em i ken singautim planti bilong yupela long kamap pris tu! **Yupela i no ken pret long bihainim Jisas!** Yupela i no ken pret long givim laip bilong yupela long Jisas na i kamap pris!

**PAWA NA NAMBA BILONG PAPA SANTU NA
OL BISOP I KAM LONG JISAS YET. LUKIM!**

**JISAS YET I MAKIM
SANTU PITA LONG GO
PAS OLSEM POP**



**NA NAMBA BILONG SANTU
PITA I GO LONG OL PAPA
SANTU BILONG BIPO**



**NA I KAM INAP
LONG PAPA SANTU
I STAP LONG PLES ROM!**



**JISAS YET I MAKIM
OL 12-PELA APOSEL
OLSEM BISOP**



**NA NAMBA BILONG OL
APOSEL I GO LONG OL
BISOP BILONG BIPO**



**NA I KAM INAP
LONG BISOP BILONG YU
LONG PAPUA NIUGINI!**



Rot bilong helpim Santu Misa

taim bisop i go pas

Sapos bisop i go pas long Santu Misa, orait yumi bai i nidim tupela alta boi moa. Dispela tupela alta boi bai i helpim bisop tasol. Na wok bilong ol em i bikpela samting tumas, long wanem bisop em i wanpela Aposel bilong Jisas, olsem na taim ol i helpim bisop, **em i wankain olsem ol i helpim wanpela bilong ol 12-pela Aposel bilong Jisas!**

Wok bilong tupela alta boi i olsem

1 - Wanpela alta boi bai i helpim bisop long **holim staff (o stik)**, na narapela bai i helpim bisop long holim **miter (o hat)**. Alta boi i holim staff imas sanap long han kais bilong bisop, na alta boi i holim miter i mas sanap long han sut.





2 - Long prosesio bilong bigin bisop i yusim hat na staff bilong em, olsem na ol alta boi i mas wokabaut tasol **long baksait bilong bisop**.

3 - Taim bisop i kam kamap long alta, orait tupela alta boi i mas i kam klostu long em, bai bisop i ken givim staff na miter long ol. Tupela i mas **kisim ol samting long han bilong bisop** na i go sanap long ples bilong ol klostu long sia bilong bisop.

4 - Long taim bilong **ol rit**, orait alta boi i was long mitre i mas **kam klostu gen long bisop**, bai bisop i ken kisim miter na putim long het bilong em.

5 - Long taim bilong **Gutnius**, tupela i mas **kam bek**, long wanem bisop bai i givim hat long ol. Bisop i save rausim mitre long taim bilong Gutnius bilong soim bikipela rispekt bilong em i go long Jisas.

6 -Gutnius i pinis, orait tupela i mas **givim staff na mitre** long bisop, long wanem em bai i givim skul, na em bai i yusim mitre na staff. Sampela taim ol bisop i save yusim mitre tasol bilong givim skul, na ol i no save yusim staff.



7 - Taim skul i pinis, orait bisop bai i kam na sindaun long sia bilong em. Olsem na tupela alta boi i mas i **kam na kisim mitre na staff.**

8 - Taim Santu Misa i laik pinis na bisop i redi long givim las blesim, orait ol alta boi i mas kam klostu long em, na givim mitre na staff gen.



BISOP I MAKIM
OL APOSEL BILONG
JISAS, OLSEM NA OLTAIM
DISPELA TUPELA ALTA BOI
I MAS BAU LONG BISOP,
BILONG SOIM RISPEKT
LONG EM!

*Mama Sios i makim
santu **Aloisius Gonzaga**
olsem was santu bilong helpim yumi
long bibainim klinpela pasin.
Sapos yu laik bibainim klinpela pasin
na abrusim ol pasin doti i gat sem,
orait yu mas mekim dispela samting:*

- 1) Prea,** na Santu Misa na konpesio oltaim!
- 2) Askim santu Maria** na was ensel bilong yu long helpim yu.
- 3) Abrusim ol pren nogut** na ol samting nogut i laik pulim yu long mekim sin.
- 4) Mekim penans** na sakrifais, bai bodi bilong yu i no ken bosim yu.



Santu Jon em i wanpela bilong ol 12-pela aposel bilong Jisas. Taim Jisas i makim em bilong kamap aposel, Jon i bin gat klostu 15-pela krismas tasol, wankain olsem ol pikinini i stap long grade 8 o 9. Em i yangpela tumas, na Jisas i singautim em!

Na laik bilong Jisas i go long Jon i winim tru laik bilong em i go long arapela aposel. Yes, Jisas i laikim Jon tumas, inap long em givim Mama bilong em long Jon. Taim Jisas i hangamap long divai kros, em i askim Jon long was long mama bilong em, maski Jon em i yangpela tumas.

Olsem wanem na Jisas i laikim Jon tumas?

**JISAS I LAIKIM JON TUMAS LONG
WANEM JON
I BIHAINIM
KLINPELA
PASIN INAP
LONG INDAI
BILONG EM.**

*Yes! Klinpela pasin em
i bikipela samting tumas
long ai bilong Jisas!*

*Na Jisas i save laikim tumas ol
pikinini i save abrusim ol pasin doti i
gat sem! Olsem na oltaim yumi mas
prea na wok hat bilong stap klin
long bodi na long sol!*



SAPTA 7

**Rot bilong helpim pris
long taim bilong Adoresen**



Adoresen em i bikpela samting tumas. Em i gutpela tru sapos
ol alta boi i kam long Adoresen, long wanem Jisas yet i stap long
hostia! Olsem na sapos yumi laikim
Jisas tru, orait yumi mas kam! Long
taim bilong Adoresen yumi beten
long Jisas na toktok wantaim em,
wankain olsem yumi save toktok
long ol pren bilong yumi.

Wok bilong ol alta boi i olsem

1 - Taim pris i
redi long givim
blesing wantaim
Santu Sakramen,
orait ol manmeri
i save kirapim
wanpela singsing.
Olsem na ol alta
boi i mas **wokabaut**





wantaim pris i go long alta, na taim ol i kam kamap long alta, orait ol i mas **nildaun**.

2 - Singsing i pinis, orait wanpela alta boi i mas **givim buk** i gat ol prea long pris.

3 - Taim prea i pinis, alta boi i mas kisim buk long han bilong pris, na em i mas putim **humeral veil** long sol bilong pris.

4 - Taim pris i wok long givim blesing wantaim Santu

Sakramen ol i mas **paitim belo**.

5 - Na taim pris i givim blesing pinis na i kam nildaun gen klostu long alta, orait wanpela alta boi i mas **givim bek buk** i gat ol prea, na em i mas helpim pris long rausim humeral veil.

6 - Taim ol litani o ol prea i pinis, orait pris bai i kisim Jisas na putim gen insait long tarbernakel. Ol alta boi i mas nildaun, inap long dua bilong tabernakel i pas olgeta. Bihain ol i joinim pris na i wokabaut wantaim em i go long sakristi.



**ADORESEN EM I BIKPELA SAMTING
TUMAS! JISAS YET I STAP LONG
YUKARIS, OLSEM NA YUMI MAS GIVIM
TAIM BILONG YUMI LONG EM, NA YUMI
MAS KAM NA ADORIM JISAS!**

4 -pela samting yu mas mekim long taim bilong Adoresen

1) LUKSAVE

long Jisas em i God yet, na em i stap long alta klostu long yu. Em i laik bai yu toktok wantaim em.

3) ASKIM

Jisas long ol samting yu sot long em, na tu long helpim famili bilong yu. Jisas i amamas long harim yu!

2) TOK TENKYU

long ol gutpela samting Jisas i save givim long yu. Yes, olgeta gutpela samting i kam long Jisas tasol!

4) TOK SORI

long ol sin yu bin mekim, na askim em long helpim yu long stap gut. Jisas i no save les long pogivim yu!

10-PELA ADVAIS I GO LONG OL ALTA BOI

1 - **TINGIM** oltaim olsem wok bilong yu em i bikpela samting tumas long ai bilong Jisas.

2 - **REDIM** yu yet gut long Santu Misa.

3 - **LAIKIM** Jisas na visitim em long haus lotu planti taim. Jisas i wetim yu long tabernakel!

4 - **KONPES** planti taim, bai sol bilong yu i ken klin oltaim.

5 - **ABRUSIM** ol pren nogut i laik pulim yu long mekim sin.

6 - **NO KEN PILAI** long taim bilong Santu Misa, na no ken larim tingting bilong yu i paul nabaut.



7 - Pasin bilong i **STAP ISI** insait long haus lotu bai i helpim yu long pre gut.

8 - **TOKTOK** na **SINGSING** strong long taim bilong Santu Misa.

9 - **RITIM** ol buk bilong Jisas o bilong ol santu.

10 - **SOIM** gutpela pasin long ples na long skul.

SAPTA 8

Yia bilong Sios



Yia bilong Sios em i wanem samting?

Yia bilong Sios em i kalenda Katolik Sios i save yusim bilong selebretim ol lotu insait long wanpela yia.

Em i bikpela samting?

Yes! Em i bikpela samting tumas, long wanem long Yia bilong Sios yumi save tingim ol misteri bilong laip bilong Jisas. Olsem na olgeta yia Katolik Sios i save helpim yumi long tingim ol samting Jisas i bin mekim bilong kisim bek yumi.

Yia bilong Sios em i wankain olsem yia bilong kalenda?

Nogat! Long wanem long kalenda bilong yumi, nupela yia i save kamap long Januari 1. Tasol long kalenda bilong Sios, nupela yia i save kamap long narapela de.



Na Yia bilong Sios i save stat long wanem de stret?

Yia bilong Sios i stat long namba wan Sande bilong Atven.

Hamaspela taim o sison i stap insait long kalenda bilong Sios?

I gat ð-pela taim i stap insait long Yia bilong Sios. Ol i
olsem:

1 - Atven

2 - Krismas

3 - Lent

4 - Holi Wik (o 3-pela de bilong Ista)

5 - Ista

6 - Taim bilong yia (o ordinary time)

Atven



Lent



Ista



Krismas




Holi Wik



Taim bilong Yia



LUKIM! DISPELA EM I YIA BILONG SIOS!



Taim bilong Atven em i wanem samting?

Taim bilong Atven em i taim bilong wetim Jisas bai i kam long graun na kamap man. Em i stat long namba wan Sande bilong Atven na i gat 4-pela Sande insait long em.

Wanem as bilong dispela taim?

As bilong em i olsem: yumi mas redim yumi yet bilong welkamim Jisas bai i kamap man. Olsem na yumi mas wok strong bilong stap gut na abrusim ol sin, long wanem Jisas i laikim ol manmeri sol bilong ol i klin olgeta.



Taim bilong Krismas em i wanem samting?

Taim bilong Krismas em i taim bilong selebretim santu Maria i karim Jisas long Betlehem! Em i stat long Disemba 25 na i pinis long Bikpela Pestode bilong Baptais bilong Jisas.



Wanem as bilong dispela taim?

As bilong em i olsem: yumi tingim santu Maria i karim Jisas, olsem na God yet i kam stap namel long yumi. Olsem na yumi mas tok tenkyu long Jisas na wok hat bilong stap gut, bai bebi Jisas i ken amamas long yumi.

Taim bilong Lent em i wanem samting?

Taim bilong Lent em i taim bilong redim yumi yet long Pen na Indai bilong Jisas. Em i stat long As Trinde na i gat 3-pela Sande insait long em. Em i pinis long Gut Fonde apinun.


Wanem as bilong dispela taim?

As bilong em i olsem: yumi mas luksave olsem ol sin bilong yumi i bin nilim Jisas long diwai kros, olsem na yumi mas sori tumas long ol pasin nogut bilong yumi. Yumi mas promisim Jisas olsem yumi laik stap gut na yumi no laik givim pen long em gen. Nogat. Yumi mas wok hat bilong abrusim ol samting nogut.

I gat 3-pela rot bilong givim amamas long Jisas long taim bilong Lent:

- 1 - Hapim kaikai na tambu long kaikai abus long Fraide
- 2 - Pre moa moa yet na konpes
- 3 - Mekim ol wok marimari bilong helpim ol manmeri





Holi Wik i stat long wanem de?

Holi Wik i stat long Pam Sande,
em i namba 6 Sande bilong Taim
bilong Lent. Na em i pinis long
Bikpela Pestode bilong Kirap bek
bilong Jisas.

3-pela de bilong Ista em i wanem samting?

3-pela de bilong Ista o Ista Tridum em i ol de bilong tingim
Pen na Indai bilong Jisas. Ol 3-pela de i olsem: Gut Fonde, Gut
Fraide na Holi Sarere.

Wanem as bilong dispela taim?

As bilong em i olsem: yumi laik tingim ol samting Jisas i bin
mekim bilong kisim bek yumi! Yes, Jisas i dai bilong kisim yumi
i go long heven, olsem na yumi laik tingim gen dispela bikpela
sakrifais em i bin mekim!

Long **Gut Fonde** yumi tingim Jisas i mekim Las Kaikai bilong em. Long dispela de em i kamapim Sakramen bilong Yukaris na Sakramen bilong Ordo.



Long **Gut Fraide** yumi tingim Pen na Indai bilong Jisas, long wanem em i dai long Gut Fraide long 3 kilok long apinun.



Long **Holi Sarere** yumi tingim Jisas i stap long matmat, na santu Maria i krai sori long indai bilong Pikinini bilong em.



NO KEN LUSTINGTING

Santu Maria tu i karim bikpela pen long Pen na Indai bilong Jisas, olsem na long ʔ-pela de bilong Ista yumi mas tingim em tu! Yes, Pikinini bilong em i dai long ol sin bilong yumi, olsem na yumi mas krai sori wantaim santu Maria na askim em tu long marimari long yumi!



Santu Jon Viani i tok:

Taim mi bel hevi
na mi wari long
sampela samting, mi
save nildaun **klostu**
long tabernakel
na askim Jisas long
helpim mi, wankain
olsem wanpela liklik
dok i hangre i save
krai long susu long
mama bilong em.

Taim bilong Ista em i wanem samting?

Taim bilong Ista em i taim bilong tingim Kirap bek bilong Jisas! Yes, long wanem Jisas i kirap bek long matmat! Dispela taim i stat long Ista Vijil na i pinis long Bikpela Pestode bilong Pentikos.

Wanem as bilong dispela taim?



As bilong em i olsem: yumi tingim Jisas i kirap bek long matmat! Na long dispela pasin em i winim strong bilong Satan, strong bilong sin na strong bilong indai. Jisas em i strong tumas! Olsem na yumi mas amamas wantaim em na wantaim santu Maria tu!


Taim bilong yia em i wanem samting?

Taim bilong yia em i taim i no gat ol spesel o bikpela selebresen i stap insait long em.

Wanem as bilong dispela taim?

As bilong em i olsem: yumi tingim ol misteri bilong Jisas yumi no bin tingim long ol arapela taim. Insait long em i gat planti pestode bilong ol santu!

WAN WAN MUN INSAIT LONG KATOLIK SIOS!



SAPTA 9

Ol prea bilong ol pikinini



Long dispela sapta yumi bai i lainim ol prea bilong helpim yumi long stap gut na inapim gut dispela wok bilong yumi olsem alta boi!

Ol prea bilong wan wan de

Mak bilong diwai kros



LIKLIK ADVAIS I GO LONG OL PIKININI!

Planti taim i save kamap olsem ol pikinini i mekim mak bilong diwai kros hariap, olsem na dispela mak i no save kamap gut.

*Yu mas putim yau taim yu mekim mak bilong diwai kros,
long wanem em i gat bikipela minim bilong em!*

*Yumi mekim olsem bilong soim olsem yumi bilip long God Papa,
long God Pikinini na long God Holi Spirit!*

Papa bilong mipela



Papa bilong mipela, yu stap long heven. Mekim nem bilong yu i kamap bikpela. Mekim kingdom bilong yu i kam. Strongim mipela long bihainim laik bilong yu long graun, olsem ol i bihainim long heven.

Givim mipela kaikai inap long tude. Pogivim ol rong bilong mipela, olsem mipela i pogivim ol arapela i mekim rong long mipela. Sambai long mipela long taim bilong traim. Na rausim olgeta samting nogut long mipela. Amen.

PAPA BILONG MIPELA EM I BIKPELA SAMTING TUMAS!

Yes, long wanem **Jisas yet i bin kamapim dispela prea!** Stori bilong Jisas i kamapim dispela prea i stap long sapta 6 bilong Gutnius bilong santu Matyu. Na taim Jisas i pinisim dispela prea, em i tok moa olsem: «Harim. Sapos yupela i lusim rong bilong ol arapela manmeri, orait Papa bilong yupela long heven em bai i lusim rong bilong yupela tu. Tasol sapos yupela i no lusim rong bilong ol arapela manmeri, orait Papa bilong yupela em tu bai i no lusim ol rong bilong yupela» (Matyu 6:14-15)

Ave Maria

Ave Maria, yu pulap long grasia. Lord i stap long yu. Ol i onarim yu moa long ol meri, na ol i onarim Jisas, em i Pikinini bilong bel bilong yu.

Santu Maria, yu Mama bilong God, pre bilong helpim mipela ol manmeri bilong sin, nau na long taim mipela i dai. Amen.



PREA BILONG AVE MARIA I KAM LONG BUK BAIBEL YET!

Yes, **namba wan hap** bilong dispela prea i stap long sapta 1 bilong Gutnius bilong santu Luk, na em i stori bilong Akensel Gebriel i bringim tok long Maria. Na tu em i stori bilong Maria i go lukim kandere bilong em Elisabet. **Namba tu hap** bilong dispela prea em Mama Sios yet i bin mekim, bilong askim santu Maria long helpim yumi oltaim!

Ona

Ona long **Papa** na long **Pikinini** na long **Holi Spirit**



PUTIM YAU GUT!


God Papa, na God Pikinini na God Holi Spirit, **ol i wanpela God tasol**, olsem na strong na namba bilong ol i wankain. Yumi no ken tingting olsem God Papa i winim Pikinini, o Pikinini i winim Holi Spirit. **Nogat tru!**

Ol 3-pela i wanpela God tasol,
olsem na yumi mas beten long 3-pela oltaim!

Tok Bilip

Mi bilip long **GOD PAPA** i strong olgeta.
Em i mekim kamap heven na graun.

Mi bilip long **JISAS KRAIS**, em i wanpela tasol i Pikinini bilong God. Em i bikpela bilong yumi. Long strong bilong Holi Spirit, Maria Virgo i kisim bel na i karim em. Long taim bilong Ponsias Pailat em i karim pen. Ol i nilim em long diwai kros. Em i dai, na ol i planim em. Em i go long ples bilong ol i dai pinis. Long de namba tri em i kirap gen.



Em i go bek long heven. Em i sindaun long raithan bilong God Papa. Bihain bai em i kam bek gen bilong mekim kot long ol i stap yet, na long ol i dai pinis.

Mi bilip long **HOLI SPIRIT**, long Sios i Holi na i Katolik, long ol santu i wanfamili tasol, long God i pogivim sin, i kirapim bodi, na i givim laip bilong oltaim. Amen.

TOK BILIP EM I OLPELA PREA TUMAS!

Yes, dispela prea i kam long bipo bipo tru, long taim bilong ol Aposel bilong Jisas yet! Em i mak bilong yumi ol Katolik, long wanem yumi tokaut strong long bilip bilong yumi. Ol narapela lotu i no save autim dispela prea, long wanem bilip bilong ol i no wankain olsem bilip bilong yumi. Nogat tru. Maski ol i kolim ol yet "Kristen", bilip bilong ol na bilip bilong yumi ol Katolik i narakain tru!

Prea bilong Fatima

Jisas, pogivim ol sin bilong mipela. Helpim mipela, nogut mipela i lus long hel. Bringim mipela olgeta i go long heven. Na marimari long ol manmeri i givim baksait long yu. Amen.



Ensel bilong God

Lida: Ensel bilong God i bringim tok long Maria.

Ol: Na Holi Spirit i mekim Maria i kamap Mama bilong Jisas.

Lida: *Ave Maria...*

Ol: *Santu Maria...*

Lida: Mi harim tok bilong God.

Ol: Em i ken mekim long mi olsem yu tok.

Lida: *Ave Maria...*

Ol: *Santu Maria...*

Lida: Pikinini bilong God i kamap man.



Ol: Na em i stap wantaim yumi.


Lida: *Ave Maria...*

Ol: *Santu Maria...*

Lida: Mama bilong God, pre bilong helpim mipela.

Ol: Bambai mipela inap i go long heven.

Lida: Yumi pre: God Papa, long tok bilong ensel mipela i save: Kraiss, Pikinini bilong yu i kamap man. Mipela i tingting nau long Pen na Indai bilong em. Helpim mipela bai mipela inap i go long heven. Mipela i pre long nem bilong Jisas Kraiss, em i Bikpela bilong mipela. Amen.



Kwin bilong Heven

(long taim bilong Ista)

Lida: Kwin bilong heven, Alleluia.


Ol: Yu amamas, Alleluia.

Lida: Bikos pikinini bilong yu i kirap olsem em i tok, Alleluia.

Ol: Pre long God bilong helpim mipela, Alleluia.

Lida: Virgo Maria yu amamas tru, Alleluia.


Ol: Bikos Jisas i kirap tru, Alleluia.



Lida: Yumi pre: God Papa, yu mekim mipela i amamas long kirap bilong Pikinini bilong yu, Jisas Krais, Bikpela bilong mipela. Mipela i pre, bambai mama bilong em, Virgo Maria, i ken helpim mipela long kisim amamas long heven. Mipela i pre long nem bilong Krais em i Bikpela bilong mipela. Amen

Prea long was ensel

Santu ensel bilong mi, yu stap long ai bilong God. Mi askim yu, helpim mi long harim tok bilong God na wokabaut long rot bilong em. Satan i laik traim mi long mekim pasin nogut. Helpim mi long bihainim gutpela pasim tasol. Helpim mi long taim mi gat sik na hevi. Helpim mi long mekim gut long ol arapela manmeri. Mi laik onaim God wantaim yu olgeta de. Amen



YU MAS BETEN LONG WAS ENSEL BILONG YU OLTAIM!

God yet i bin makim wanpela was ensel bai em i was long yu oltaim. Long taim mama i karim yu inap long yu i dai, orait **oltaim** was ensel bilong yu i save sambai long yu. Olsem na yu mas beten long em na tok tenkyu oltaim!

Prea bilong givim nupela de long God



God Papa, mi tenkim yu long dispela nupela de. Mi laik givim mi yet long yu tude. Was gut long bodi na sol bilong mi, bambai olgeta tingting na toktok na wok bilong mi i ken onaim yu na bringim mi moa klostu long yu na ol bratasusa bilong mi. Amen.

Tok sori

God yu gut tumas. Mi mekim nogut long yu. Mi sori nau. Marimari long mi, na pogivim olgeta sin bilong mi. Mi no laik mekim sin moa. Mi laik stap gut. Helpim mi long strong bilong yu. Amen.



Prea bilong givim yu yet long Maria

(Pop santu Jon Pol II i bin wokim)

Virgo Mama bilong God mekim mi i kamap bilong yu olgeta. Bilong yu long taim mi stap laip, bilong yu long taim mi laik i dai. Bilong yu long taim mi mas karim pen, long taim mi pret na long taim mi sot long ol samting. Bilong yu long taim kruse i bungim mi, na long taim mi no painim husat i sori long mi. Bilong yu long dispela taim, na bilong yu long taim bilong oltaim. Virgo Mama bilong God mekim mi i kamap bilong yu olgeta. Amen.

Prea bilong nait

God Papa, mi tenkim yu long dispela de i pinis nau. Mi tenkim yu long ol helpim bilong yu. Mi sori long ol sin mi bin mekim. Nau mi laik slip. Was gut long mi. Givim nupela strong long bodi bilong mi. Sambai long mi bai mi no ken pret. Na sapos yu laik singautim mi long dispela nait, kisim mi i go long ples bilong yu. Amen.



Prea i go pas long kaikai



God Papa, yu save givim planti gutpela samting long mipela. Blesim mipela na dispela kaikai yu givim long mipela. Mipela i pre long nem bilong Papa, na bilong Pikinini, na bilong Holi Spirit. Amen.

Prea bihain long kaikai

God Papa, mipela i tenkim yu long kaikai yu givim long mipela. Mekim gut long ol manmeri i bin wok long redim dispela kaikai. Mipela i pre long nem bilong Papa, na bilong Pikinini, na bilong Holi Spirit. Amen.

Long planti hap bilong graun, planti pikinini wankain olsem yu i hangre tru, long wanem ol i no gat kaikai. Olsem na taim yu redi long kaikai, yu mas askim God long helpim ol dispela pikinini tu! Na sapos yu save long wanpela pikinini bilong ples o long skul i hangre, orait em bai gutpela long yu serim kaikai bilong yu wantaim em.

Prea long Holi Spirit

Spirit bilong pasin holi, mekim mi holi.

Spirit bilong tok i tru, sutim bel bilong mi.

Spirit bilong bikpela laik, givim dispela laik long mi.

Spirit bilong marimari, tanim bel bilong mi.

Spirit bilong gutpela taim, mekim graun i kamap nupela.

Spirit bilong laip tru, kirapim bel bilong mi.

Spirit bilong bikpela strong, strongim mi.

Spirit i stap oltaim, givim laip bilong oltaim long mi.

Amen.



Sol bilong Krai

Sol bilong Krai, mekim mi holi.
Bodi bilong Krai, yu laip bilong mi.
Blut bilong Krai, yu dring bilong mi.
Wara bilong sait bilong Krai, wasim mi.
Pen bilong Krai, strongim mi.
Gutpela Jisas, harim mi.
Long sua bilong yu, haitim mi.
Taim mi laik lus, holim mi.
Long taim bilong dai, kisim mi.
Long ples bilong ol santu, bringim mi.
Na oltaim stap wantaim mi.

Amen



Dispela prea
«**Sol bilong Krai**»
santu Ignesius bilong
Loyola i bin mekim.
Bipo em i bin stap
wanpela soldia aninit
long king bilong kantri
bilong em, tasol bihain
em i luksave olsem **Jisas**
tasol em i trupela
King, olsem na em i
lusim olgeta samting
na i kamap pris.

Prea long santu Josep

Santu Josep, yu lukautim gut tumas Jisas tupela Maria. Yu lukautim mi tu. Yu helpim mi, bambai mi ting oltaim long God na long lo bilong em. Yu was long bodi na long sol bilong mi. Mi laik bihainim gutpela rot bilong yu, bambai pasin bilong mi i klin na stret oltaim. Yu i dai, na Jisas na Maria tupela i stap wantaim yu na tupela i holim yu. Mi laik, bambai mi i dai gut olsem yu. Yu kam long mi long taim mi laik i dai long em. Yu wantaim Jisas na Maria kisim mi i go long heven. Amen.



Prea bilong visitim Jisas

long tabernakel

(Akensel Maikel i lainim long tripela pikinini bilong Fatima)

Lord, mi bilip long yu, mi adorim yu, mi hop long yu na mi laikim yu long Holi Yukaris. Mi tok sori long ol manmeri husat i no save bilip long yu, ol husat i no save adorim yu, ol husat i no save hop long yu, na ol husat i no save laikim yu.



O God Triwan, Papa, Pikinini na Holi Spirit, mi adorim yu. Mi ofarim Bodi na Blut, sol na God pasin bilong Jisas i stap laip long olgeta tabernakel bilong graun, bai yu ken marimari na pogivim ol manmeri husat i mekim nogut long Holi Sakramen bilong alta. Mi askim yu i ken lukluk long gutpela pasin bilong Santu Hat bilong Jisas na bilong Immakuleit hat bilong Mama Maria, na mekim ol sinmanmeri i tanim bel na i kam bek long yu. Amen.

Holi Rosari (o Korona)

Holi Rosari em i wanpela prea **santu Maria yet i bin kamapim!** Yes, stori bilong em i olsem:



SANTU DOMINIK EM I WANPELA PRIS I BIN MEKIM WOK APOSEL NAMEL LONG OL MANMERI I BILIP LONG OL GIAMAN GOD

TASOL PLANTI MANMERI I LES LONG HARIM OL SKUL BILONG EM, OLSEM NA SANTU DOMINIK I BEL HEVI LIKLIK



OLSEM NA WANPELA DE EM I ASKIM SANTU MARIA LONG HELPIM WOK APOSEL BILONG EM, LONG WANEM EM I LAIK BAI OLGETA MANMERI I TANIM BEL NA I SAVE LONG JISAS



NA SANTU MARIA I KAMAP LONG SANTU DOMINIK NA I GIVIM WANPELA KORONA.

SANTU MARIA YET I LAINIM SANTU DOMINIK LONG ROT BILONG BETEN KORONA!



Rot bilong beten Holi Rosari



- 1 Mak bilong Diwai Kros na Tok Bilip
- 2 Wanpela Papa bilong mipela, 3-pela Ave Maria na Ona long Papa
- 3 Kolim namba 1 misteri na beten Papa bilong mipela
- 4 10-pela Ave Maria
- 5 Ona long Papa na prea bilong Fatima. Bihain yu kolim namba 2 misteri na mekim wankain olsem bipo.

Ol misteri bilong Holi Rosari

Misteri bilong amamas (Mande na ʔarere)

- 1 - Holi Spirit i mekim Maria i kamap mama bilong Jisas
- 2 - Maria i go lukim kandere bilong em, Elisabet
- 3 - Maria i karim Jisas
- 4 - Maria na Josep i bringim Jisas i go lo tempel
- 5 - Maria na Josep i painin Jisas long tempel



Misteri bilong sori (Tunde na Fraide)

- 1 - Tuhata bilong Jisas i kamap olsem blut
- 2 - Ol i paitim Jisas nogut tru
- 3 - Ol i putim rop i gat nil
long het bilong Jisas
- 4 - Jisas i karim Diwai Kros
- 5 - Jisas i dai long Diwai Kros



Misteri bilong ona (Trinde na Sānde)

- 1 - Jisas i kirap long ol i dai
- 2 - Jisas i go long heven
- 3 - Jisas i salim Holi Spirit i kamdaun
- 4 - Jisas i kisim Maria i go long heven
- 5 - Jisas i mekim Maria i Kwin bilong
heven na graun

Misteri bilong lait (Fonde)

- 1 - Baptais bilong Jisas
- 2 - Marit long Kana bilong Galili
- 3 - Jisas i autim Gutnius
bilong Kingdom bilong God
- 4 - Jisas i kamap narakain
- 5 - Jisas i kamapim Sakramen bilong Yukaris



Prea bihain long Korona

Lida: Kwin bilong heven,

Ol: Mama bilong marimari, helpim mipela i hop long yu. Mipela ol manmeri bilong sin i singaut long yu. Harim mipela, na marimari long mipela. Long taim bilong dai, soim Jisas, Pikinini bilong yu long mipela. Yu gutpela mama, Virgo Maria.

Lida: Mama bilong God, pre long helpim mipela.

Ol: Bambai mipela inap i go long heven.



Santu Louis Montfort i tok:

Jisas i amamas tumas
taim yumi pre long mama
bilong em. Na taim yumi
onarim santu Maria, **yumi**
onarim Jisas yet. Yes,
long wanem olgeta ona
bilong yumi i go long God
tasol. God tasol em i Papa
bilong olgeta grasia, tasol
em i makim Maria
bilong tilim ol grasia
na givim long yumi.

Rot bilong helpim ol pikinini long mekim gutpela konpesio

Konpesio em i wanem samting?

Konpesio em i sakramen i save tekewe ol sin bilong yumi. Jisas yet i bin kamapim dispela sakramen! Em yet i givim pawa long ol Aposel bilong tekewe ol sin bilong olgeta manmeri. Na dispela pawa bilong Jisas i kam inap nau long han bilong ol bisop na ol pris! Olsem na taim yu konpes long pris, em i wankain olsem yu konpes long Jisas yet!

Santu Jon Bosco i tok:

Wankain olsem ol pisin i nidim tupela win bilong flai na i go antap tru, wankain olsem tasol yumi tu i nidim tupela win bilong i go long heven: **Komunio NA KONPESIO**. Dispela tupela sakramen bai i kisim yu i go long heven.



I gat 5-pela samting yu mas mekim

Sapos yu laik konpes gut, orait i gat 5-pela samting yu mas mekim:



1 - Namba 1 samting em i olsem: yu mas **TINGIM** gut olgeta sin yu bin mekim long las konpesio i kam inap nau. Yu mas tingting gut na painim ol sin yu bin mekim.



2 - Namba 2 samting em i olsem: yu mas **SORI** long ol sin bilong yu, long wanem yu save pinis olsem ol sin bilong yumi i bin kilim Jisas i dai. Olsem na yu mas tingting long Jisas na yu mas sori long mekim sin.



3 - Namba 3 samting em i olsem: yu mas tokim Jisas olsem yu bai i wok hat bilong **ABRUSIM** ol sin, long wanem yu no laik mekim sin gen. Nogat. Yu laik i stap gut.



4 - Namba 4 samting em i olsem: yu mas **AUTIM** ol sin bilong yumi long pris. Yes, yu no ken sem o tingting planti, long wanem pris em i Jisas yet.



5 - Namba 5 samting em i olsem: yu mas inapim gut ol **PENANS** pris i save givim long yu.

Santu Pol i tok:

Yupela i no ken wari long wanpela samting.

Nogat. **Oltaim yupela i mas tokim God long olgeta hevi bilong yupela.**

Yupela i mas prea long God na tok tenkyu long em, na **askim em long helpim yupela.**

(Filipai 4:6)



Rot bilong helpim yu

long tingim ol sin yu bin mekim

Nau yumi bai i skelim ol Mandato bilong God, na yumi bai i luksave sapos yumi mekim sin o nogat. Dispela samting bai i helpim yumi long konpes gut. Olsem na yumi mas i stap isi na tingting gut. Yu redi?!



MANDATO NAMBA 1

**«Mi God bikpela
bilong yu.
Yu no ken adorim o
lotuim arapela god»**

Mi lusim pasin bilong prea long moning o long nait?
Mi sem long beten o long pasin katolik?
Mi bilip long masalai o tambaram o tewel?

MANDATO NAMBA 2

«Yu no ken kolim
nating nem
bilong God»

Mi bin mekim giaman
promis long nem bilong God?

Mi bin krosim God, o mi
krosim ol santu?

Mi bin tok “tru antap” long samting nating?

Mi bin mekim giaman Konpesio?

Mi bin soim rispekt long taim bilong Misa o Adoresen?



MANDATO NAMBA 3

«Yu mekim holi
o santuim Sande
na Pestode»

Mi bin lusim Misa long ol
Sande o De Holi?

Mi bin kamap leit?

Mi bin pilai o lap o toktok insait long haus lotu?

Mi bin mekim bikipela wok long Sande?



MANDATO NAMBA 4

**«Yu mas rispektim
na mekim gut long
papamama bilong yu»**

Mi bin harim tok bilong
papamama bilong mi, o nogat?

Mi bin bikmaus o tok nogut

long papamama bilong mi, o nogat?

Mi bin harim tok bilong tisa bilong mi o pris?

MANDATO NAMBA 5

**«Yu no ken kilim
i dai narapela man»**

Mi bin kros nating long ol
arapela manmeri?

Mi bin kros nogut long
wanpela man o meri?

Mi bin pait?

Mi bin pulim kros na bel hat i go longpela taim tumas?

Mi bin pogivim ol manmeri i bin mekim rong long mi?

Mi bin tok baksait long ol narapela?



MANDATO NAMBA 6

«Yu no ken mekim
sin i gat sem»

Mi bin mekim toktok o pilai
nogut i gat sem?

Mi bin tingting long ol
samting i gat sem?

Mi bin lukluk long ol samting i gat sem?



MANDATO NAMBA 7

«Yu no ken stil»

Mi bin stilim sampela
samting? Wanem samting?

Mi bin helpim ol arapela
manmeri long stil?

Mi bin mekim nogut o
bagarapim samting bilong arapela man o meri?

Mi no givim bek sampela samting mi stilim pinis?



MANDATO NAMBA 8

«Yu no ken
tok giaman»

Mi bin tok giaman?

Mi bin haitim sampela
samting bilong ol arapela?

Mi bin pasim maus long taim
ol arapela i giaman?

MANDATO NAMBA 9

«Yu no ken mangalim
meri bilong narapela
man»

Mi bin mekim ol lukluk
nogut i gat sem?

Mi bin mekim tingting nogut
i gat sem?



MANDATO NAMBA 10

«Yu no ken mangalim
samting bilong
narapela man»

Mi bin jeles o tingting nogut
long ol samting bilong ol
arapela?

Mi bin bel hat taim narapela manmeri i gat samting mi yet mi
no gat?




Orait!

**Nau yu redi long konpes wantaim pris!
Go long em na autim ol sin yu bin mekim!
Harim gut ol gutpela advais bilong pris!
Na tenkim Jisas oltaim!**

FATHERS OF THE INSTITUTE OF THE INCARNATE WORD

www.ive.org - ive.png@gmail.com



**Buk bilong Gutnius
wantaim ol explanesen**

509 pes



Santu Alfons Maria bilong Liguori

**Santu Hat
bilong Jisas**
96 pes



Santu Alfons Maria bilong Liguori

**Visitim Jisas
long Santu Sakramen**
142 pes



Santu Alfons Maria bilong Liguori

**Ol 7-pela sori
bilong santu Maria
na ol gutpela pasin
bilong santu Maria**
213 pes



Santu Alfons Maria bilong Liguori

**Indai, Kot,
Heven na Hel**
165 pes



Santu Alfons Maria bilong Liguori

Rot bilong Salvesen
230 pes



Santu Alfons Maria bilong Liguori

**Ol meditesen
bilong Krismas**
177 pes



Santu Alfons Maria bilong Liguori

**Novena bilong
santu Maikel**
68 pes



Santu Alfons Maria bilong Liguori

**Rot bilong Diwai Kros
na 15-pela meditesen
bilong Pen na Indai
bilong Jisas**
168 pes



**Ol prea
bilong Divain Mersi**

52 pes